



19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41



8130  
854





金石萃編卷一百五十七

賜進士出身 誥授光祿大夫刑部右侍郎加七級王昶撰

金四

三官宮存留公據碑

石高三尺九寸廣二尺三寸四分上截公據十九行  
下截記二十三行每行字數十六至十九二十餘不  
等正書在  
高陵縣

三官宮奉聖旨存留公據之碑

京兆府

尚書禮部口節口承

都省劄口備奉



聖旨楊口制口後創造到口名額寺觀者口是尽行口  
口仍令除去緣其間有口繪塑口佛容像口不忍除毀  
特許存留其創造罪名口與免放若今口有犯本人科  
違

制司縣中知口不口依制斷口仍並解見口口委司縣  
正官一員遍詣應有寺觀神祠等處一一躬親點檢如  
係自口口口塑繪口神佛容像口口所口官并司縣先  
口口口具申州府令司縣并僧道口及州府口口口籍  
仍從各州府排立字號口口口簽印口合同公據贖付  
住持寺觀人等口執并造一般合同文簿申覆使府備  
坐口口隨處遵依委官點檢施行去後據申到事因除  
別外口管口司縣數內高陵縣奉政坊

三官宮內口口口口

右今出給公據付口口口口口口口執照大定二十年  
十一月口口口口

使

茲者三官宮元在官道之西起自唐宋迄今數百餘年  
累口兵火殿像俱廢至口皇統甲子有村人馬志買到  
上件地基及員與邵顯亦捨已地方得完備與眾社人  
同議徙於此處修蓋堂宇聖像一口幸而繼口口大



定庚子使府降到

聖旨存留公據口慮年深片

紙湮沒遂刻金石傳之永久豈明昌二年八月一日崆

峒趙口口記今具社人于右

下有社人姓名不錄

按高陵縣三官宮今已無攷但存此碑金史世宗

紀大定十八年三月己酉禁民間無得剏興寺觀

此碑所云奉聖旨嗣後創造到無名額寺觀者盡

行除去卽此事也碑又云有繪塑佛容像不忍除

毀特許存留創造罪名並與免放是以禮部出給

公據執照稽之史志不得其詳公據降到大定

二十年越十二年爲明昌二年而後立碑年月後

有社人姓名五十餘人今不錄內有助緣者曰塑

三官人曰粧三官人當時粧塑蓋分二事也又有

爨興姓名爨姓不見於史惟華陽國志昌寧大姓

有爨習蜀錄有戎州刺史爨深此爨興或卽其苗

裔歟

高曼卿增修宣聖廟記

石高五尺廣三尺八寸十一行  
行二十五字正書在曲阜孔廟

僕鄉爲令長山被檄泰安嘗謁

宣聖廟歷觀前人碑志自漢魏以來代無不修其舊制

稍隘未足以副天下之望茲者



金石錄卷一百五十七  
三  
朝廷右文命開州刺史 高公曼卿特為增葺凡弊者  
新之狹者廣之下者高之舊所無者創之莫不曲盡其  
善僕與公有一日之雅喜而謂曰公為吾儒獲膺此委  
而能大其規撫俾雄麗如此可謂無負矣明昌辛亥復  
因奠拜過此安陽赫煖十月二十有七日題

武亭鐘款

款共六方各橫廣二尺七寸高二尺二寸或四行或  
六行入行至十行行或四字至十六字不等正書在

州

皇帝萬歲臣佐千秋國泰民安法輪常轉

尚書禮部牒

牒奉

勅可口

勅故牒

金明昌參年未月 日令史向昇 主事安口口權

郎

中憲大夫行員外郎口

宣威將軍郎中耶律

侍

郎

奉政大夫禮部尚書兼翰林學士承旨知制誥修國

史王



鄜州鄜城縣陽務村鑄鐘大口

維大金國歲次明昌參年壬子二月癸卯初一日甲

戌 記

陝西京兆府路乾州武亭縣界崇教禪院

先住持祖師僧口口先師僧口照

翻建屋舍聖像鑄鐘都會首住持沙門僧

崇教禪院本在武功于金為武亭縣是鐘于康熙中

出自河畔時巡撫某公方修薦福寺因載歸焉鐘後

有尙書禮部牒文

關中金  
石記

按陝西通志崇教禪院一名慈德寺在乾州武功

縣治南卽唐慶善宮故址金大定十六年修勅賜

崇教禪院今據鐘欵前刻明昌三年禮部勅牒則

崇教之賜額在明昌三年或修院在大定十六年

也鐘刻破地獄此言寶樓閣真言大明六字神咒

及助緣三十餘人姓名今俱不錄

高陵縣張公去思碑

碑連額高七尺八寸廣三尺一寸五分  
二十行行四十九字正書在高陵縣

大金京兆府高陵縣令張公去思之碑

將仕郎充書畫局直長張建撰

文林郎楊庭秀書



隴西李居中篆額

太史公序循吏傳曰奉法循理之吏不伐功不矜能百姓無稱亦無過行予始疑其說以謂循良之吏必有赫赫之名著人之耳目或號霹靂手或號神明政而曰百姓無稱何也豈不以循理之吏不求近功有愛民之誠心使民陰受其賜歲月既久民知其愛已故思之無已非若沽名釣譽之徒內有所不足急於人聞而專苛察督責以祈當世之知求其愛民之誠心則蔑如也久之情態俱露謗亦隨之是以民視吏之去如越人之視秦人肥瘠了不加意斯人也烏足謂循理之吏乎故吏之

良者不伐其功人所以高其功不矜其能人所以稱其能及受代之後人思其德繪其像而事之此其所以謂之良吏也口川張翹字子翔博學有才識著名於時大定十三季登進士第釋褐授單州軍事判官尋遷狄道高陵北海三縣令東京留守推官今爲解鹽副使自公之去高陸也旣更三政矣而民猶念之豈非有愛民之誠心教之以孝悌廉恥不爲鈎距詭異之行雖嘗加刑責者亦服其義而稱頌之初公之莅職於是也有訴其男毀奪女娣之糶奮者公以子之長幼妻之前後諭之其口悔悟而去有妯娌不睦日相詬詈聲徹縣署者公



遣女婢以義責之其人慚而止三暮之間所斷訟獄不  
啻數十百使人修省改過皆此類也歲或亢旱公爲之  
焚禱無不感應士或惰學公爲之誨諭無不勸勵今口  
口口夾谷公尹京兆暨陝西路提刑使栢德公同尹日  
凡幕職有闕必委公權行其事非廉能夙著何以致此  
公解職之明年 朝廷遣使廉問備得公善政之  
詳不數歲三遷其職江邑人曹璋率諸父老繪公之像  
構祠堂而事之朝夕瞻望而不忘其德如周人勿剪甘  
棠而思召公也明昌五年春友人王彥達赴試來

小師丐文於予口口口之政予曰昔子產爲政三年而

人歌之孔子所以謂古之遺愛者以其久而不忘也今  
張君去職八年而人尙思之是亦口口之遺愛也予旣嘉  
張公之善政且喜高陸之民不忘公之德故系之以銘  
曰

猗歟張公 治適厥中 人樂其政 不自爲功 其  
功不有 積而愈厚 賢者德業 可大可久 咎之  
小民 競利紛爭 感公之化 禮義由生 昔之士  
子 佻兮達兮 服公之教 朝書暮詩 今公旣去  
繪像於堂 千載之下 以配甘棠

按高陵縣名始於周秦之間三國魏及後魏嘗改



高陸隋大業初復名高陵相沿至今此碑前云尋  
遷狄道高陵北海三縣令下云自公之去高陸也  
既更三政矣後云且喜高陸之民不忘公之德蓋  
高陸高陵今古之名互用也碑云口川張翺字子  
翔陝西通志循吏傳張翔字子翺淄川人名與字  
與碑倒互當山志誤而淄川則可補碑之泐文撰  
文者張建金史附呂中孚傳稱建字吉甫蒲城人  
有詩名明昌初授絳州教官召爲宮教應奉翰林  
文字以老請致仕章宗愛其純素不欲令去授同  
知華州防禦使仍賜詩以寵之自號蘭泉有集行  
於世此碑立於明昌五年而張建系銜爲將仕郎  
充書畫局直長不云應奉翰林文字殆未任此官  
時也然碑所系銜傳則略焉金史百官志應奉翰  
林文字從七品書畫局直長一員正八品掌御用  
書畫紙札屬祕書監其文散官階從七品上曰承  
務郎下曰儒林郎正八品上曰文林郎下曰承事  
郎正九品上曰登仕郎下曰將仕郎此碑張建蓋  
以正八品官而用正九品下之階以系銜所未詳  
也首引太史公序循吏傳語據今本史記循吏傳  
太史公曰法令所以導民也刑罰所以禁姦也文



金石錄卷一百五十七  
武不備良民懼然身修者官未曾亂也奉職循理亦可以為治何必威嚴哉祇此數語與碑所引全不同銘詞後列進士李文本等六十七人姓名皆邑人無知名者今不錄

劉仲游詩刻

詩刻在多寶塔碑右側共四行字數不等草書在西安府

觀京兆府學

大成殿後古碑題六言詩兩首

寶墨銀鈞蠶尾篆文玉振金聲一覽古碑辭翰頓還舊觀神明

西秦觀覽古字碑刻長安最多未勝家藏墨跡羲之帖換羣鷺

明昌五季二月八日中大夫同知京兆尹兼本路兵馬都總管府事提舉學校事燕臺劉仲游書

按劉仲游詩不見中州集金史亦無劉仲游傳據碑仲游自署其貫曰燕臺而史有劉仲洙傳字師魯大興宛平人累官定海軍節度仲洙有兄仲淵皆與仲游名同用水旁而又同貫或即仲洙弟兄行也

靈巖寺詩刻

二詩刻在一石石橫廣三尺八寸高一尺八寸前詩共九行行八字後詩十行行八字十字不等在長清



縣靈巖  
巖寺

琛公堂頭和尚有題超然亭頌因次其韻

冀州節使路伯達

六合空明現此亭本來無垢物華清客來便與團樂坐  
萬偈何妨信手成

明昌五年二月十五日于靈巖禪寺住持傳法沙

門廣琛立石 濟南梁宗誠同李堅摸刊

巡按詣靈巖名刹禮佛焚香憩坐于超然亭覽堂頭

琛公佳製謾繼嚴韻

山東路提刑王珩

鍾山英秀草堂靈林下相逢話愈清聞道謀身宜勇退  
得閑何必待功成

明昌五年十月十五日十方靈巖禪寺住持傳法沙

門廣琛立石 濟南梁宗誠同李堅摸刊

案金史地理志山東東西路提刑司此王珩結銜稱

東路提刑即巡按濟南諸屬也冀州節使天會七年

置安武軍節度是也路伯達見中州集云仲顯字伯

達冀州人正隆五年進士明昌初授武安軍節度使

據金史本傳伯達字仲顯與中州集稱字伯達者異

今詩刻為其自題不宜署字是名伯達無疑爾本傳



稱改鎮安武宋朝事實冀州慶歷八年陞安武軍節  
度金蓋依其舊名而中州集爲武安倒訛之故也伯

達詩爲遺山所採山左金

按靈巖寺有明昌六年周馳撰田園記見山左金

石志記去明昌三年提刑司援他山例許民採伐

由是長老廣琛訴於部省五年琛復走京師詣登

聞院陳詞蒙奏國用阜昌天德所給文字爲準盡

付舊地云云据此則琛公自明昌三年以迨六年

皆住持靈巖也當明昌三年時許民採伐之提刑

不知何人假使卽此和詩之王珩則不應縱民採

伐致琛公有奔告跋涉之苦矣此碑二詩一刻於

明昌五年二月十五日一爲十月十五日不知琛

公走京師又在何月王珩詩不載中州集廣琛超

安陽縣重修唐帝廟記

碑高六尺七寸廣三尺二寸五分兩面刻  
各十六行行三十三字正書在安陽縣

彰德府安陽縣乞伏村重修唐帝廟記

前應奉翰林文字同知制誥趙秉文撰并書題額

夫道足以爲萬世法而澤足以爲萬世祀是將有以備

制法闢百聖參天地之化育後天地而不亡者矣故築



紂爲獨夫而仲尼得通祀景公有千駟而夷齊到今稱  
之德之在人焉可誣也況乎有聖人之德都天子之位  
首出百王之上而幾傳百世之下者哉傳曰惟天爲大  
惟陶唐則之今夫日月星辰之昭回雷風雨露之鼓蕩  
寒暑陰陽之變化春生而秋殺明來而晦謝以終始萬  
物者豈非天之化也哉今夫君臣父子之懿仁義道德  
之實金木水火土穀之用壯者力於作而老者休於廬  
生者養而死者葬以衣被天下後世者豈非陶唐氏之  
遺化也哉陶唐氏之化在於斯民日用之間而莫能名  
其所以然非天也耶然則去之于百世如將見之廟而  
宇之尸而祝之以鼓舞斯民者亦天也是非所謂不亡  
者耶嘗謂帝之德當世思之可也後世何自而思之賢  
者知之可也野人何自而知之舊邦饗之可也佗邑何  
自而饗之譬之說食必飽說穢必唾此亦人之情也有  
人於此暴其人之孤識與不識必環視而怒匍匐而往  
救之親與不親必相顧而歎親非在己而喜怒爲用凡  
所以爲彼者爲我而已且天帝旣外口身以先人亦所  
以爲天下後世是故教莫正於敘彝倫降二女以刑家  
則志在和口口矣法莫公於傳神器捨其子以禪舜則  
志在爲蒼生矣德莫大於振大災治水以命禹則志在



利萬世矣功施於彼而利及於此恩加於當時而廟食於後世生而不以黃屋爲心沒而享崇軒之貴生而不以彩椽爲飾沒而都華構之安康衢古謠也後世里歌社舞簫鼓嘈雜有遺音者矣土劔土簋昔所御也後世山肴野蔌羶薌苾芬有遺味者矣易曰咸感也夫咸至於有心則不足以有感矣相之西六十里而遠有聚落曰乞伏帝之祠在焉西挹太行北枕漳水古木森然上閱漢晉居人張伯厚等易其榱棟之朽折者而新之治其垣甃之毀缺者而復之廟成謁文於僕竊惟相古邑也若殷王甲之居相文王之居羑里皆有祠廟載在祀典獨唐帝之祠義若無所出意其神不相於茲土也顧嘗以爲帝之神如雨露之在天水泉之在地何所往而不在獨惠彼而遺此豈理也哉嗚呼以如神之智變化往來其有方乎以如天之仁徧覆包函其有殊乎以蠶象授時之政安知不佐歲功以成物乎以博施濟眾之心安知不相

明天子以惠於博獨乎生而厚其恩

沒猶被其賜展敬乞靈烏可已也敢爲之銘銘曰

鬼神睢盱伏羲受圖人文權輿彝倫旣敘五教旣敷唐文煥乎披昏抉塗藥民之愚有典有謨位非我娛萬民其孥丹朱爲疎陸水其都人蟲其居吁嗟都俞恩漸於



膚今其已夫祀焉忽諸遺祠路隅田婦耕夫或祝或巫  
白馬彤車清風肅如神來有無清漳之墟歲孰一區神  
游藐孤 明昌有道千載同符擊壤康衢走不知乎

今之世陶唐氏之民歟

明昌六年六月望建

觀臺張居仁刊

案金史地理志彰德軍節度明昌三年陞爲府以軍  
爲名記在六年稱府與史相符又傳載趙秉文明昌  
六年入爲應奉翰林文字同知制誥亦與碑符文內  
引傳曰惟天爲大惟陶唐則之易堯爲陶唐蓋以堯  
爲名臨文避之惟稱論語爲傳尚書序正義凡書非

經則謂之傳言及傳論語孝經正謂論語孝經是傳  
也漢武帝謂東方朔云傳曰時然後言人不厭其言  
又漢東平王劉雲與其太師策書云傳曰陳力就列  
不能者止又成帝賜翟方進策書云傳曰高而不危  
所以長守貴也是漢世通謂論語孝經爲傳也以論  
語孝經非先王之書是孔子所傳說故謂之傳所以  
異於先王之書也据此記亦名論語爲傳殆本於此  
然唐宋以來如昌黎集燕喜亭記引傳曰知者樂水  
仁者樂山新唐書魏徵傳引傳曰君使臣以禮臣事  
君以忠劉貢父公是先生集序傳曰不知言無以知



人也亦沿是稱因跋此并及之

安陽縣志

碑云相之西六十里而遠有聚落曰乞伏帝之祠在焉西挹太行北枕漳水古木森然上閱漢晉又云相古邑也若殷三甲之居相文王之居羸里皆有祠廟載在祠典獨唐帝之祠義若無所出予按太平寰宇記云永定縣本漢內黃縣地隋開皇十八年改為堯城縣因堯所始之城為名唐末改為永定縣又云丹朱墓在縣東一里堯之子也攻永定廢縣在今府城東四十里宋省入安陽縣則其地祠堯實當以此丹朱墓亦在府東南嚴邨趙秉文不能遠考故以為義

無所出耳

中州金石記

太一靈湫詩

石橫廣二尺三分高一尺六寸共十三行行十字正書在西安府

太一靈湫

直疑仙掌捧龍津  
落葉無留愈覺神  
福地尙將魚鳥護  
不思哀憫望雲人

右一

終南見說畜靈湫  
秋旱虔誠徑一求  
石磴未容穿屐歷  
夜窗喜聽聚簷流  
已便客枕消殘暑  
將見農家慶有秋  
自愧書生無異報  
強搜佳句荅神休



右二

明昌六年中元日知先天觀事奉香火道士何元濟  
立石

按太一靈湫在長安縣終南山漢書地理志太一  
古文以爲終南五經要義曰太一一名終南山在  
扶風武功縣初學記引補地記曰終南太一山左  
右四十里內皆福地靈湫卽湫池宋敏求長安志  
池上有澄源夫人湫廟今縣有顯應夫人廟當是  
澄源夫人改封在終南山炭谷去縣八十里唐封  
卽此靈湫也初在長安六七月旱亦嘗遣官求之  
取水往往有應此碑刻太一靈湫詩七絕一首七  
律一首不著作者姓名玩詩意皆是爲靈湫禱雨  
而作碑刻于明昌六年中元日不知是追刻前人  
之作抑是當時禱雨有應之作詩稱自愧書生知  
非守土之官亦非奉香火之道士也

靈巖寺記

碑高八尺四寸廣四尺五分十九行  
行四十八字隸書篆額在長清縣

十方靈巖寺記

翰林學士朝散大夫知制誥兼同修國史上護



軍馮翊郡開國侯食邑一千戶食實封壹伯戶賜紫  
金魚袋党懷英撰并書篆

名山勝境天地所以儲靈蓄秀非福力淺薄者所能棲  
止必待僊佛異人建天功德以爲眾生無量福田泰山  
爲諸嶽之宗中峯巒拱揖谿麓回抱神秀之氣尤鐘於  
西北而西北之勝莫勝於方山昔人相傳以爲希有如  
來於此成道今靈巖是其處也後魏正光初有梵僧曰  
灑定杖錫而至經營基構始建道場定之至也蓋有青  
蛇前導兩虎負經四眾驚異檀施雲集於是空崖絕谷  
化爲寶坊歷隨至宋土木丹繪之功日增月葺莊嚴爲  
天下之冠四方禮謁委金帛以祈福者歲無慮千萬人  
佛事口興而居者益眾分而爲院者凡卅有六趣嚮旣  
異遂生分別主僧永義律行孤介以接物應務爲勞力  
辭寺事時開封僧行口方以圓覺密理講示後學眾共  
推舉可以住持乃更命詳實來代義仍改甲乙以居十  
方之眾實熙寧庚戌歲也越三年癸丑仰天元公禪師  
以雲門之宗始來唱道自是禪學興行叢林改觀是爲  
靈巖初祖爾後灑席或虛則請名德以主之而不專口  
宗暨今琛公禪師廿代矣其傳則臨際裔也師至之日  
屬山門魔起規奪寺田四垣之外皆爲魔境大眾不安



其居師爲道口猛卒以道力摧伏羣魔山門之舊一旦  
還復眾遂安焉師以書屬懷英曰吾寺之名著於諸方  
舊矣繇希有至於定公則不口計其歲月繇定至於今  
幾七百年中更衰叔歷朝刊紀斷泐磨滅蕩然無餘而  
佛祖之因地建置之本來與夫禪律之改口口派之承  
傳後來者鮮或知之念無以起信心鎮魔事雖然佛灑  
堅固與虛空等而魔者如浮雲浮雲彈指變滅而虛空  
無有口盡何憂乎魔事惟是著述銘勒佛事門中舊所  
不廢子無以有爲譙我忝爲我一言余報之曰諾已乃  
紋師之所欲言者書口遺之若夫山川光怪靈蹟示現  
山中老宿皆能指其所而詳之此不復道也明昌七年  
秋九月十有九日記

首座僧卽敏

書記僧普眞

知藏僧蘊奧

知客僧宗徹

知閣僧廣仲

殿主僧宗堅

監寺僧灑敘

副寺僧普遷

維那僧悟寶

典座僧普守

直歲僧志功

庫頭僧覺驪

明昌七年十月十四日當山住持傳灑嗣祖沙門廣  
琛立石

歷山賈德摸并刊

碑陰

題名二段第一段詩及僧名共  
十行行十一字正書間雜古篆



遊靈巖留題

天下三巖自古傳靈巖的是梵王天羣峯環寺連叢柏

雙鶴盤空湧二泉此日登臨驚絕景當年經構仰良緣

停雲妙憶 寥休子好伴 真游方公禪師社白蓮

丙辰冬至日蓬山劉惠淵識

監寺淨善維那淨悅典座正寧直歲善全住持清安

野叟提點行實都綱普謹命工刊

又一段題名五行行書

冠氏帥趙侯濟河帥劉侯率將佐來游好問與焉丙申

三月廿五日題

右碑額題十方靈巖寺記撰書篆額皆党懷英一人

兼之碑陰兩段一題丙辰冬至日蓬山劉惠淵識丙

辰當是蒙古憲宗時也一題冠氏帥趙侯濟河帥劉

侯率將佐來游好問與焉丙申三月廿五日題遺山

手蹟世不多見書字勁逸不失古法武虛谷云丙申

為蒙古太宗之七年于時金亡主年矣趙侯者案遺

山集冠氏趙侯先塋碑稱冠氏帥趙侯天賜字受之

今為東平左副元帥兼分治大名府路同知兵馬都

總管事宜授將軍千戶者即此題趙侯也遺山嘗客

冠氏又與趙侯銘其先人宜其有此勝遊耳山左金石志



金石錄卷之五十一  
按此碑党懷英撰文書篆一人兼之惜搨工每行失搨一字使文不全然存者皆完善也碑稱琛公之傳為臨際齋臨際即臨濟齊乘載濟陽大定六年遼金主允濟諱改曰清陽允濟遇弑復舊此碑刻於明昌七年宜遵大定制為衛紹王諱也鐘於西北鐘即鍾通用字廣琛住持靈巖當明昌三年提刑司援他山例許民採伐由是琛公訴於部省才得地之十一二至五年走京師詣登聞鼓院陳詞蒙奏斷用阜昌天德所給文字為準盡付舊地周馳為記趙灑書党懷英篆額碑立於明昌六年越一年又立此碑蓋在復地事定之後碑故稱琛公以道力摧伏羣魔所謂羣魔者指侵地之輩其事起於提刑之許民採伐而其禍遂及於羣奸之侵地此是立碑要旨文故特書之

### 太平院石幢

幢高二尺五寸四面各廣一尺七分皆分上下截書上三面皆象一面刻年號二行行八字下四面各刻真言或五行或八行或九行每行二十二字至十四五字不等正書

佛母准提神咒

文不錄

熾盛光佛消災吉祥陀羅尼

文不錄

延壽真言



破地獄真言

文殊五髻真言

僧伽吒密語

滿願真言文俱不錄

皆明昌七年 月 日太平院沙門

按明藏經有準提慧業以六梵字為用與無量壽及觀世音大勢至所說不同蓋西方之教大勢至法王子與其同門攝念佛人歸于淨土至有五十二菩薩故準提亦其一耳今蘇州城西有準提庵明唐寅所居相近來往修習其間故庵內有文徵

明祝允明及寅像設焉

重修文宣王廟碑

碑連額高一丈七尺一寸廣六尺二十九行行七十二四字隸書額題大金重修至聖文宣王廟之碑十二字篆書在曲阜孔廟

大金重修 至聖文宣王廟碑

翰林學士朝散大夫知 制誥兼同修 國史上護

軍馮翊郡開國侯食邑一千戶食實封壹伯戶賜紫

金魚袋臣党懷英奉 勅撰并書丹篆額

皇朝誕受 天命 累聖相繼平遼舉宋合天下

為一家 淡仁厚澤以福斯民粵自 太祖暨于



世宗撫養生息八十有餘年庶且富矣又將教化而粹美之  
主上紹休  
祖宗以潤色

洪業爲務 卽位以來 留神政機革其所當革  
興其所當興飭官厲俗建學養士詳刑濼議禮樂舉遺  
修舊新美百爲期與萬方同歸文明之治以爲興化致  
理必本於尊師重道於是 奠謁 先聖以身先之嘗  
謂侍臣曰昔者 夫子立教於洙泗之上有天下者  
所當取濼迺今遺祠久不加葺且其隘陋不足以稱  
聖師之居其有以大作新之有司承 詔度材庀工  
計所當費爲錢七萬六千四百餘千 詔竝賜之仍

命選擇幹臣典領其役役取於軍匠傭於民不責  
亟成而責以可久不期示侈而期於有制凡爲殿堂廊  
廡門亭齋廚賢舍合三百六十餘楹位敘有次像設有  
儀表以傑閣周以崇垣至于握座欄楯簾櫳罽毼之屬  
隨所宜設莫不嚴具三分其役因舊以完葺者才居其  
一而增勑者倍之蓋經始於明昌二年之春踰年而土  
木基地成越明年而鬻漆彩績成先是羣弟子及先儒  
像畫於兩廡旣又以捏素易之又明年而衆功皆畢罔  
有遺制焉 上旣加 恩闕里則又澤及嗣人以  
其雖襲公爵而官職未稱與夫祭祀之儀不備特



命自五十一代孫元措首階中議大夫職視四品兼世  
宰曲阜六年又以祭服祭樂爲 賜遣使策祝并以崇  
成之意告之方役之興也有芝生於林域及尼山廟與  
孔氏家園凡九本典役者采圖以 聞且言瑞芝之生  
所以表 聖德之致廟成之日宜有刊紀敢請并書  
于石又廟有層閣以備度書願得 賜名揭諸其上以  
觀示四方 詔以奎文名之 命臣懷英記其  
事臣魯人也杏壇舊宅猶能想見其處今幸以諸生備  
職藝苑其可飾固陋之辭挈楹計工謹諸歲月而已乎  
敢竊敘 上之所以褒崇之實備論而書之而後

系之以銘臣嘗謂唐虞三代致治之君皆相授以道至  
周末世不得其傳而 夫子載諸六經以俟後聖降周  
訖漢異端竝起儒墨道德名瀆陰陽分而名家而以六  
藝爲經傳章句之學歸之儒流不知六藝者 夫子所  
以傳唐虞三代之道眾流之所從出而儒爲之源也後  
世偏向曲聽沿其流而莫達其本用其偏而不得其醇  
曰是歷代治蹟常與時政高下洪惟 聖上以天  
縱之能典學稽古游心於唐虞三代之隆故凡立功建  
事必本六經爲正而取信於 夫子之言夫惟信之者  
薦則其尊奉之禮宜其厚歟臣觀漢魏以來雖奉祠有



封汎埽有戶給賜有田禮則修矣未有如今日之備也  
初廟傍得魯廢池發取石甃以爲柱礎鉅砌之用浚井  
得銅以爲鋪首浮漚諸飾繇是省所費錢以千計者萬  
四千有奇方復規畫爲它日繕治無窮之利然則非獨  
今日之新蓋將愈久而無弊也銘曰  
維古治時  
以道相繼 不得其傳 粵自周季 天生 將聖  
遭世不綱 垂統六經 以俟後王 六經維何  
爲世立道 有王者興 是惟治要 於鑠 我  
皇 聖性白天 玩意稽古 傳所不傳 建學譚文  
崇明儒雅 躬禮 聖師 率先天下 乃睠 闕

里 祠宇弗治 矧其舊制 旣隘且庫 乃詔有司

乃疏泉府 揆材庀工 眾役具舉 梓人獻技

役夫効功 隘者以闕 庫者以崇 崇焉有制 闕

焉惟灋 卽舊以新 增其十八 植植其正 翼翼

其巖 魯人來思 歎息仰瞻 魯人有言 惟今非

昔 豈伊魯人 四方是式 瞻彼尼山 及其林園

有芝煌煌 表我 聖恩 聖恩之隆

施于世嗣 顯秩峻階 視舊加異 廟樂以雅 祭

服有章 錫爾奉祠 名教是光 有貞斯石 有銘

斯勒 揚厲鴻休 以詔無極



碑陰

凡十六段承安二年月日銜名一段五行隸書居中餘十五段多元人題記及詩四周刻之字體不一附列于後

監修官從仕郎曲阜縣主簿權縣事劉驪

同監修徵事郎 宣聖廟教授聶天覺

四十九代孫 璪 瑋 璘 摹勒

五十代孫 瑱 揚 同摹勒

承安二年三月廿日訖功 楊元刊

高口等題記 四行行五字六字不等行書左行

龍山高口同弟民範拜謁 林廟承安二年夏四十

日

又耿懷義等題記 三行行十字十字二字不等行書

晉臺耿懷義同雲中魏仲古修史煜敬謁 林廟承

安五年閏二月初六日

又蕭元題記 七行行六字正書

東遼北野山黃冠蕭元從 五十一代襲封特來敬

謁 林廟壬寅歲十二月謹題

又魏璠等題記 九行行十二字十字不等行書

雲中魏璠上谷劉謝陳郡徐世隆汴梁李綬隆安張

澄泊男孔孫自鄆道充至曲阜恭謁 林廟凡留三



日遍覽 聖蹟時經亂已久 廟貌未復追想盛明  
不勝慨嘆然聖道隆替繫時戚休褒崇之典豈無所  
待云甲辰秋七月廿有一日世隆謹題

又元好問等題記 八行行九字八字  
不等行書左行

太原元好問劉浚明末兆那敏上谷劉詡東光句龍  
瀛蕩陰張知剛汝陽楊雲鵬東平韓讓恭拜 聖祠

遂奠 林墓乙巳冬十二月望日謹題

又嚴忠濟題記 六行行八  
字正書

歲在己酉率諸將佐恭拜 林廟周覽 聖蹟留三  
日而去二月四日東平嚴忠濟謹題

又王玉汝等題記 六行行九  
字正書

東平王玉汝燕山畢英范陽盧武賢清亭杜仁傑從  
行臺公拜奠 祠林歲舍己酉立秋日上谷劉詡謹

識

又張德輝等題記 六行行十  
字隸書

太原張德輝由真定抵東平從闕里諸容敬拜 林  
廟周覽勝跡留一夕而去男復侍行歲乙卯夏五月

二十五日識古充丁丕顯同來

又郝經題記 五行行七字六字  
不等行書左行

乙卯秋九月十有三日陵川郝經拜謁 祠下遂奠



墳林

又高詡題詩十三行行七字行書

庚子歲七月上旬益津高詡敬謁 聖師祠下謹題

二絕句以誌其來

帝王而下幾興亡銷盡繁華作戰場獨有 東家詩

禮在子孫萬古讀書堂

六經不幸火于秦日月曾何礙片雲用捨從來開治

亂皇天本不喪斯文

又楊奐詩六行行十一字十字不等行書

會見春風入杏壇奎文閣上獨憑欄淵源自古尊

洙泗祖述何人似孟韓竹簡不隨秦火冷楷林空倚

魯城寒飄零蹤跡千年後无分東家老一簞

又文劇詩六行行九字十字不等行書

萋萋野草翳雲壇回首尼山一凭欄空想文風復鄒

魯豈知俗學尙申韓虛堂畫寂禽聲雜高閣春深檜

影寒樂道獨憐紫陽子忘情軒冕羨瓢簞

又劉詡詩六行行十二字十字不等草書

乘閑杖策上郊壇絕勝登樓靜倚欄千古遺蹤思

孔孟百年雅集數楊韓泉通鼇背波紋冷月照龍門

夜色寒此去關西有東魯柳塘沙路口壺簞紫陽方有歸秦



之興故  
及之

又劉文等題記

十行行十  
三字行書

朝列大夫山東東西道肅政廉訪副使劉文因理東  
原等處郡邑獄囚路經曲阜率分司書吏徐介周瑞  
奏差羅文郁從 嗣聖五十四代孫中議大夫襲封  
衍聖公孔息晦偕三氏子孫教授王不矜學錄竇淳  
德掌書在明善敬謁 林廟瞻仰奠拜禮成而還時  
延祐歲次己未六月二十又五日也

又祭文

二十行行十七字十六  
字十五字不等行書

大元延祐六年歲次己未六月乙酉朔越二十五日

乙巳朝列大夫山東東西道肅政廉訪副使劉文謹  
以清酌之奠敬致祭于

大成至聖文宣王

惟王爰出乎類自生而知德配乾坤道光日月總無  
極於覆載破未悟以通明為古今師懷帝王器全集  
大成之教決開榮進之源希用報章式陳明薦尚饗  
究國公

惟公位崇亞聖名冠四科鼓瑟自怡樂道為任有攀  
鱗附翼之志無施勞伐善之心禮祀大賢光隆永世  
尚饗



鄒國公

惟公生稟淑質名推大才立王化之基治儒術之道  
遵行仁義距放邪淫垂萬世之憲言宜諸生之禮祀  
尚饗

按此碑党懷英奉勅撰書篆額其立石在承安二  
年三月署于碑陰檢曲阜縣志金石卷中載此碑  
云明昌二年立蓋由未見碑陰但見文內有明昌  
二年字遂以爲明昌二年立也据碑云經始於明  
昌二年之春踰年而土木基構成越明年而髹漆  
綵繪成明年而眾功皆畢六年又以祭服祭樂

爲賜歷年如此其多非明昌二年立石明矣章宗  
建號明昌只六年其第七年爲章宗承安元年玩  
文內所載至六年止則文爲明昌六年所撰書遲  
之兩年而後刻石承安二年者乃刻石之歲月也  
書碑時党懷英歷官翰林學士碑與傳合至承安  
二年則致仕矣衍聖公孔元措以承安二年二月  
始兼縣令其修廟興工時尙是他姓權縣事故碑  
陰題監修官曲阜縣主簿劉某權縣事也此數行  
雖隸書與碑文筆法迥異非党書數行之外周刻  
題記十五段內承安二年承安五年二段金人所



題其壬寅歲蕭元題壬寅係元太宗崩後之次年  
六皇后稱制之初年甲辰七月魏璠等題甲辰乃  
元太宗六皇后稱制之三年乙巳冬元好問等題  
乙巳爲元太宗六皇后稱制之四年己酉二月嚴  
忠濟題己酉爲元定宗崩後之次年嚴忠濟乃東  
平行臺嚴實之子己酉立秋日王玉汝等題與上  
段同歲所稱行臺公亦卽嚴實也乙卯五月張德  
輝等題乙卯爲元憲宗五年乙卯九月郝經題元  
世祖卽位郝經以翰林侍讀學士使宋被留此時  
謁林廟當在世祖卽位以前爲憲宗五年也庚子  
七月高詡題詩庚子是元太宗十二年此下皆題  
詩不能定其年歲其末爲延祐六年劉文等題又  
有延祐六年祭文三篇以上各段皆年歲叅錯今  
依碑文隨錄不加詮次云

### 承安鏡文

鏡圓徑二寸  
八分正書

承安四年上元日陝西東運司官造監造錄事任押提  
控運使高押

按金史百官志都轉運司使掌稅賦錢穀倉庫出  
納權衡度量之制其屬有同知副使都勾判官戶



籍判官支度判官鹽鐵判官都孔目官知法司吏  
抄事譯史通事押遞公使惟中都路置都轉運司  
餘置轉運司陝西東西路則置漢知法一員餘官  
皆同中都此鏡題陝西東運司官造蓋陝西東路  
轉運司所造也錄事之官志惟諸府節鎮有錄事  
司錄事一員正八品又諸府鎮都軍司都指揮使  
條下有云仍與錄事同管城隍其轉運司所屬不  
見有錄事此鏡有監造錄事又有提控運使大抵  
以節鎮錄事為監造官也

圓覺禪院鐘款

鐘界十五區每區高廣俱一尺七寸五分字多寡不等正書在韓城縣

皇帝萬歲臣佐千秋風調雨順國泰民安

圓覺禪院受業僧

都會首傳太 戒沙門廣 以下僧名及助緣姓名俱不錄

前進士何孜 保義副尉口酒同口口口 忠武校

尉口酒都口高口口 口信校尉行縣尉完顏口

衛事郎行主簿石嵩 口勇大將軍行同州韓城縣

令納罕

平陽府襄陵縣郭 大鑑進義校尉許 男

許德 許全 許成 孫許一 許二 許三 元



孫泰壽 伯壽 倚壽 念四 念六 高僧

大金承安四年四月一日畢

出韓城北郭不半里許有高原突起類視城中數千家如平沙列萬幕然曰圓覺禪院閎傑壯麗俗所謂北閣寺者是已山門東偏有亭架鐵鐘一口聲甚宏亮寺為金大定十三年重建鐘則鑄於承安四年土人云鐘自黃河浮來今按其款有官莊邨周村薛村少梁相里保芝川店諸地名皆屬韓城則闔邑率錢共鑄已有明証土人之言誤或云相傳鐘初成工戒以勿擊俟行數十里擊之工行二十里遽擊之由是

芝川以南不聞鐘聲此又因括地志所言嘉興德藏寺鐘而傳會者也至縣尉完顏某主簿石曷縣令納罕可據以補志乘職官之缺

古石 琅玕

按圓覺禪院今名圓覺寺在韓城縣北門外唐建高爽宏麗為一邑勝槩宋咸平元年重修王欽若書額至金時又有修建鑄鐘之事款題皇帝萬歲臣佐千秋是向來寺觀碑識多如此此獨增風調雨順國泰民安八字近代各處寺觀梁柱鐘鼎率題此八字蓋昉于此矣此鐘周刻僧名及助緣男女姓名二百餘人今俱不錄內如北流水慶善坊



水磴社官莊社周村董村相里保趙村王村馬村  
庾村北薛村芝川店客義坊北里村東少良紅神  
底落村張莊顧家莊西王莊論公村皆村庄古地  
名可資志乘家考證者不僅如古石琅玕所云也  
餘如稱謂之異者有魚吳驢馬小官人姚大行者  
因學究張教書皆足供談資又有書不氏者二人  
不當卽錢字俗書省文已見於此併識之

### 驪山詩刻

石橫廣二尺七寸二分高一尺八寸連跋共二  
十三行行八字十七字不等正書在臨潼縣

陝西路按察使移刺霖

### 驪山有感

蒼苔逕滑明珠殿落葉林荒羯鼓樓渭水都來細如綫  
若爲流得許多愁

詩之興也久矣其源本出於國風之什濫觴於漢魏  
派演於六朝下逮唐宋汪洋大肆靡所不至大率以  
鍊格鍊意鍊句鍊字爲法而能少相兼自各名家而  
已必求其粹然可稱道者亦不多得焉嗚呼詩道之  
難也如此按察相公人品高秀天性奇穎始以儒  
業自舉一游場屋芥拾甲科已而事與願違投筆就  
宦然遊戲翰墨之間初未廢其寸陰大篇短什率皆



金石錄卷一百五十一  
出前人用心不到處士子仰之如泰山北斗向提憲  
關中嘗有題華清宮三絕句遠近傳誦不啻膾炙方  
以不多見爲恨頃因再遊復留一絕格愈老意愈新  
句愈健字愈工恬然備四鍊體自非深於文章者其  
孰能與於此友人賀吉甫已作傳遠計廼命遼東孫  
吉之書諸石九嶸徐從周刻其字晉陽舊部吏聞而  
喜之復識歲月于後云承安屠維協洽書雲後七日  
謹跋

移刺卽耶律金史有移刺履元好問集作耶律履是  
其証商挺增修華清宮記有大傅移刺公疑卽其人  
後有跋自署晉陽舊部吏而無姓名

關中金  
石記

按此詩不見於中州集陝西通志藝文卷載此詩  
題下注云二首選一則是此題有詩二首矣据此  
碑詩後跋語但云頃因再遊復留一絕是原只一  
首不知通志所不選者又何詩也此跋又云提憲  
關中嘗有題華清宮三絕句通志亦不錄跋後紀  
歲月云承安屠維協洽書雲後七日蓋承安四年  
己未歲冬至後七日也



金石萃編卷一百五十七終

金石萃編卷一百五十八

賜進士出身 誥授光祿大夫刑部右侍郎加七級王和謨

金五

綏德州新學記

碑連額高一丈二尺二寸廣四尺二十四行每行下缺大約六十四字正書篆額在綏德州

新修州學之記

秦并天下以赤翟故地十五縣為上郡即今綏德是也

漢初入於匈奴唐逼於土蕃五季領於李仁福蓋其民

不沐中國涵養之德為日久矣且求闕下以得名者亦以

夷夏錯居止欲撫綏安輯之而已至於教化遽暇及哉



國朝之興今殆百年民漸知化然以州據形勝襟帶關隴控制靈夏實為用武之地又蒞政者率多武人故學者比內地為少襄承安四年東原闕名進士為軍事判官繼而亳社秦君守正復以通儒來守相與謁

先聖先師而廟居州之西北夾城地污下廣不盈畝庭序像設不具惻然以為陋謀徙而大之明年得地於

州之東南極亢爽遂營新宮宮闕夫子於陳蔡者像之登於堂餘六十二子績於兩廡簋簠簠罍樽俎春

秋祀事凡所以用之者如禮即其宮為學室筵齋講庖

口廩庫闕所以資之者無不備鑿宮前土山闢其扉以

臨通達方其營宮也凡業學以吏者約割月奉餘亦率

私錢以助幾百萬市材徵工神棲口基闕尚書工部為

鄧中高獨典其事自夏及秋六月而工畢由是境內及

旁郡來學者眾迺書走東垣請子為記子以謂王者

之治教化口本闕也古者國家黨遂之間有學有序有

庠有塾所以涵養其民為至詩書六藝射鄉食饗以習

耳目以易心志以充其四體而變其風俗闕腹之慾日

用而不去間陞其材以為天下用其或不率然後束之

以法令威之以刑罰其治本末如此故天下之勢安危

治亂每視其闕下吏受其民而牧之者當奉教化宣之於



民至於簿書期會刑罰法令一二胥史職耳然非知治之審則亦未嘗不本末倒置蜀舊不知下魯柳俗卉裳子厚不鄙其民動以禮法爲新廟學亦自矜奮噫當文公子厚之時循吏爲多至使天子之教化遠被夷貊獨善二子者下而能推其本也今秦高於蒞治之始建學校作士氣以奉天子教化爲己任使其民知中國涵養之德釋然以慰秦漢唐五季之不幸其功豈下蜀與柳耶可謂知本而得爲天子之吏之體矣是以樂爲之書豈

大金泰和改元歲次辛酉春正月上澣日記

忠翊校尉綏德州司候劉完提控監修 儒生張翥

同□□

從仕郎知法馬世安 監修命王亮

文林郎知臨洮府康樂寨事賜緋魚袋劉

徵仕郎保安州軍事判官慕容

登仕郎綏德州義合寨主簿鄒

儒林郎守平陽府霍邑縣令賜緋魚袋李

承事郎綏德州軍事判官高

鎮國上將軍同知綏德州軍州事護軍廣平郡開國侯食邑一千戶食實封



奉訓大夫綏德州刺史兼知軍事上騎都尉天水縣  
開國子食邑五百戶

碑後有綏德州義合寨主簿郇口知臨洮府康樂寨  
事劉完全史地理志云綏德州有義合寨置第二將  
臨洮府有康樂縣康樂當是先為寨後升為縣也又  
有知軍州事天水縣子同知軍州事廣平郡侯兩銜  
文中稱秦君守正以通儒來守高君口口以名進士  
為軍判官當即兩人姓名關中金石記

按碑云秦并天下以赤翟故地十五縣為上郡今  
綏德是也翟即狄通用字左傳晉侯以樂之半賜

魏絳曰子教寡人和諸戎狄以正諸華國語不窟  
失官自竄于戎翟此狄翟通用之證也狄有赤白  
二種春秋宣公八年晉帥白狄伐秦此白狄也宣  
公三年秋赤狄侵齊此赤狄也史記秦本紀惠文  
王十年魏納上郡十五縣此即碑所云十五縣為  
上郡也地理通釋上郡今麟迺丹坊鄜銀夏綏德  
保安之地皆是也又史記趙世家趙惠文王三年  
滅中山遷其王于膚施膚施在上郡即十五縣之  
一也又匈奴傳武王放逐戎夷涇洛之北名曰荒  
服晉文公攘戎翟居於西河圖洛之間元和郡縣



志綏州春秋白狄所居戰國屬魏爲上郡鄭氏通志白翟及秦同州今鄜坊綏延皆古白翟地綜此數說皆謂白翟未有謂赤翟者此碑云赤翟故地恐是紀載之訛也陝西通志學校卷云綏德州學舊在州城西北金承安四年刺史秦守正移州治東嵯峨山南一百步泰和元年增修有記卽謂此碑也据碑則秦守正以承安四年來守是州明年建學自西北移於東南是爲承安五年自夏及秋六月工畢明年泰和改元撰文立石蓋自移建至立碑首尾三年而通志乃云泰和元年增修誤也

嵯峨山漢書地理志左馮翊池陽縣截嶭山在北師古曰截嶭卽今俗所呼嵯峨山是也按嵯峨山疑與此嵯峨山名同地異此山卽疏屬山一名雕陰山在州城內山海經貳負之臣曰危與貳負殺窳窳帝乃梏之疏屬之山元和郡縣志龍泉縣有疏屬山亦名雕陰山龍泉縣卽膚施縣地唐天寶初更名隋大業中廢綏州置雕陰郡蓋因山得名也然以碑文按之山不甚高文云鑿宮前土山闢其扉以臨通道其大勢可知矣年月後列銜惟劉完張翥馬世安王亮署名餘皆有姓無名又碑之



一例也

泰寧宮鐘款

款二一橫廣二尺五寸三分高二尺十二行行十字  
至十三字不等一止書年月五行行三字正書在滑  
縣南

維大金泰和陸年歲次丙寅上元日

竊以將崇 至道敢忘神宇之修欲振 真風須

假鯨音之作故鳩哲匠用鑄鴻鐘縻金索以高懸建寶

樓而迭擊庶使群迷聞至音而開覺抑令滯魄仗餘韻

以超昇伏願集此善緣仰增 聖筭時和歲稔國

泰民安普暨一切有情莫不均蒙福利

昔泰和丙寅歲癸未月丁酉日記

三原縣后土廟記

碑連額高一丈廣三尺五寸二十二行行六十  
二字正書額題重修后土廟記篆書在三原縣

耀州三原縣荆山神泉谷后土廟記

懷城鄉貢進士王希哲撰

美田鄉貢進士劉光書并篆額

竊原混沌既判陰陽遂分穹窿而在上者謂之天盤礴

而居下者謂之地天氣資始而不能資生能資生者莫

大於地地勢坤坤至柔以和順奉天卒能生成於物易

曰至哉坤元萬物資生乃承順天坤厚載物德合無疆



此贊美坤之爲用也伊六合之外邈無端倪難以形詰  
置而勿論姑以禹治九州之限論之取人易信內有嵩  
泰衡華恒五嶽互列江河淮濟四瀆旁流上中下三壤  
有叙山林川澤丘陵墳衍原隰五土各殊此上所產之  
物並有所宜皆坤輿所載而隸主之可見祖萬物子百  
靈長養無極含宏有餘者矣略陳人所賴者稼穡人之  
食桑麻人之衣棟宇取材於山林器用運土於埏埴珍  
藏有金玉珠璣異貨有羽毛齒革以至疾病有請禱之  
法出入有所向之方靜而思之人生一世未有須臾不  
資於地者故物理論稱其德曰母神曰祇亦曰媪大而

名之曰黃地祇小而名之曰神州亦曰后土黃地祇舉  
八極之外地神州舉王畿千里之內地所在皆得言之  
凡立祠廟尤所宜矣若夫三原迺漢池陽之舊境也縣  
之東有后土廟在神泉鄉今名龍泉鄉出郭門直

行十餘里至大王村右轉北向入浮山或云釋典所載  
取象西方佛國脾浮羅原與此無異可不偉歟又名荆  
山禹貢所載導導岍及岐至于荆山疏云在馮翊懷德縣  
南是也其實一山而兩呼之谷行不遠已達于廟清流  
遶徑溉數頃以常收古木凌空歷四時而俱好三門三  
間十二架過樂臺正殿曰坤柔五閣三十架獻殿并撲



水八間二十架仰瞻神像以婦道配天繪塑冠服一如  
帝后之狀側有五嶽殿三間十五架兩廊靈官堂禁神  
位子孫司客廳通計二十五間七十架次東北隅翼然  
有亭三間十二架以上屋宇皆山節藻稅曲盡其妙亭  
下有湫周圍與亭頗等水色澄湛深不可測餘水出于  
正南凡遇歲旱至誠祈禱卽日雨作生民蒙潤多矣三  
輔間聞往往取水于茲登高四望東連唐高祖憲陵西  
接武宗端陵二陵相照屹然而起爲廟之肘腋也南對  
長川瞰渭陽之春樹北依大阜背漆水之驚波爲廟之  
襟帶也谷中地勢或掩或抱或高或低奇詭不一難於  
具陳據此形勝寔耀下之爲取也每當季春中休前一  
日張樂祀神遠近之人不期而會居街坊者傾市而來  
處田里者捨農而至肩摩踵接塞于廟下不知是報神  
休而專奉香火是縱已欲而徒爲佚遊何致民如此之  
繁夥哉粵有里人梁再興梁勝梁玘昆仲等嘗記遠祖  
創始之日誠心所感致有祥雲瑞靄垂覆于地地係已  
業卽於其地南北取五十步東西二十五步不受鄉人  
助緣獨力修成人稱爲梁家廟至今古老猶話其事祖  
父梁棟於宋慶曆四年重修父梁再成於紹興十年翻  
修欽遇 聖朝太平日久梁氏昆仲於大定二十五



奉明昌元年承安五年泰和元年四次添改修建至於完備一所無缺克遵先訓止辦家財亦不假鄉社一毫之助難乎其人矣故世世相承居處廟之右出入廟之下永爲廟主噫翊廟成功非是一朝之夕勒碑頌德庶傳千載之名戒尔子孫敬哉無替先蒙求記僕謂池陽多才俊善屬文老夫憫憤不能爲也其請益堅謾索枯腸而書其大槩云耳時泰和五年乙丑歲季春上休日謹記

六年丙寅三月壬午朔十八日己亥主廟梁再興

梁玘 姪梁進等同立石 懷城楊瑞刊

按此碑題云耀州三原縣三原縣自五代迄明初皆屬耀州宏治三年改屬西安府至今因之碑云三原迺漢池陽之舊境漢書地理志池陽惠帝四年置屬左馮翊自北魏太平眞君七年改名三原相沿至今中間唐武德四年嘗更名池陽六年改華池貞觀七年復名三原元和郡縣志三原者以其地西有孟侯原南有豐原北有白鹿原也碑云后土廟在神泉鄉今名龍泉鄉陝西通志后土廟本名秦寧宮在三原縣東北四十里唐村廟神泉谷中神泉一名白馬泉又曰白龍泉其泉澄泓旱



禱即應碑云出郭門直行十餘里至大王村右轉  
 北向入浮山又名荆山禹貢所載導岍及岐至于  
 荆山疏云在馮翊懷德縣南是也其實一山而兩  
 呼之三原縣志浮山在縣北二十里孟侯原西富  
 平縣志荆山在縣西南十里元和郡縣志荆山在  
 富平縣西南二十五里禹貢導岍及岐至于荆山  
 孔傳山在岐山東漢書地理志襄德縣襄與懷同禹貢  
 北條荆山在南懷德縣者即富平縣地漢書地理  
 志不著建置之年屬左馮翊後漢省入頻陽晉即  
 其城置富平縣自是不改以臆度之富平之西南  
 與三原之東北接壤山在富平謂之荆山入三原  
 境則謂之浮山也碑云登高四望東連唐高祖憲  
 陵西接武宗端陵唐書本紀高祖葬獻陵碑作憲  
 陵與史互異據陝西通志高祖獻陵在三原縣東  
 北四十三里龍池鄉唐朱村武宗端陵在三原縣  
 東北三十里神泉鄉騰張村碑載二陵雖有東西  
 之別其實同在縣東北不過遠近相去十三里耳

真清觀牒

石高七尺一寸五分廣三尺八寸八分兩截書上  
 截牒大小字共十二行行字多至廿九字止下截田  
 契三十五行行  
 二十一正書



尚書禮部

據登州棲霞縣第一都太虛觀丘處機狀告同懷州修武縣劉志敏狀告伏為懷州修武縣七賢鄉馬坊村有道庵一所自來別無名額於東平府納米請買到日字号空名觀額一道乞書填為真清觀者

牒奉

勅可特賜真清觀牒至准

勅故牒

大安元年五月 日令史王員主事翟昌言

奉直大夫翰林修撰同知制誥權員外郎趙

朝請大夫禮部員外郎納蘭

中憲大夫禮部郎中兼國子監丞王

翰林學士承旨中奉大夫知制誥兼禮部侍郎同修

國史提點司提口士張

皇弟開府儀同三司判禮部尚書韓王

本觀置買地土文契

出賣地業人修武縣七賢鄉馬坊村故稅戶馬愈男馬用同弟馬和自立契將本戶下口口地二段共計式畝叁厘立契賣與全真門弟子王太和王崇德為永業修蓋全真道庵準得價銀壹拾陸貫文各七口



九伯並拋卽目見定交割謹具開坐如後

一出賣村南竹菌地一段南北畛東長式拾陸步伍  
分西長式拾陸步伍分南闊壹拾陸步北闊壹拾步  
并次東一段東長式拾陸步西長式拾捌步半南闊  
壹拾步北無步東至大河西自至南自至北自至並  
拋彖業主對目商議定所有地內差稅物力實彖照  
依通檢去馬愈戶下貯脚 俱輸所拋地內竹竿樹  
木不係賣數  
夫雨水透流車牛出入一依仍舊通行

右件前項出賣地土賣与全真門弟子等爲永業並  
不是裏私卑幼口交亦不是債欠準折並無諸般違  
礙又加立契日一色見彖交領並口別無懸欠恐人  
無信故立此文爲拋

大定二十八年十二月自立契出賣地人馬用押

同立契人馬和 押

引領人部下王守鈔 押

寫契人本村王瑩 押

稅說價彖壹拾陸貫文 廿三日

按此牒爲大安元年所賜與前大定二三四等年  
勅者微有不同前牒或由本路轉運司或由戶部



差委發賣所此牒則但由尙書禮部據某縣某人  
狀告而已前牒皆著錢數此牒則云東平府納米  
亦不言米數前牒無字號此牒則有日字號餘式  
並與前同牒後載本觀置買地土文契所列各條  
與今人支契體例相仿契中年月後一曰立契出  
賣地人卽今之賣主也一曰同立契人卽今之賣  
主親族也一曰引領人卽今之中人也一曰寫契  
人卽今之代書也自大安至今越六百餘年而買  
賣地土之格大致相符可知凡事皆有緣起亦聖  
心世務者所宜知也

### 大安磚刻

磚高一尺二寸八分廣  
一尺五行行六字正書

大安二年四月三十日未時老爺感化趙門白氏捨地  
建廟

按此不知爲何神之廟然文云老爺感化則必爲山神土地  
之祠非仙佛廟也崑崙頑婦自昔已然存此以見陋俗之緣起

### 貞祐寶券

券高一尺五寸廣一尺二分作三層書第一層貞祐  
寶券四字與券首伍貫二字俱橫寫第二層五行中  
三行行六字正書旁兩行各五  
字篆書下層十行行十五字

貞

字料



軋祐 伍貫八十足陌

在寶 字號

券

京兆府合同

准

行寶券並同見錢行 不限年

月 京兆平涼府官庫

券

寶庫

押

專副

攢司

押

偽造者斬賞寶券參伯貫 仍給犯人家產

貞祐 年 月 日

軍庫 攢司 押

寶券庫使押 副 判官

庫使押 副押 判官

尙書戶部尙當官 押

平涼府合同

右貞祐寶券予辨其文 一云平涼府合同 一云京兆

府合同按金史食貨志金海陵遷都置交鈔與錢並

用宣宗貞祐二年五月權西安軍節度使烏林達與

言關陝軍多供億不足所仰交鈔則取於京師徒成

煩費乞降板就造便七月改交鈔名曰貞祐寶券又

百官志設交鈔庫於上京西京北京東平大名益都



蔚咸平真定河間平陽太原京兆平涼廣寧等府瑞  
平清通順薊等州三年罷之此券有不限年月許於

京兆平涼府庫倒換語知為京兆平涼所刻板也潛研

堂金石  
文跋尾

楊振碑

碑高七尺四寸廣三尺八寸七分二  
十七行行五十五字正書在乾州

前進士河東元好問撰

前進士武功口口書丹

前進士華陰口口篆額

口諱振字純夫一字德威姓楊氏唐鄴國十九世孫鄴

國口於口口以口口之口口口口口之口口口口縣人

鄴公以口口嗣行口生棗棗生温温生幼言幼言生嚳

嚳生皐皐生免免生珍珍生口贊口贊生口口口口

口口口口御史龔封口口口口乃口口人彭城

劉氏有子十二人長曰公口次曰公神公畱公口公洪

公素公口公口公口公口公口始口世口口諸房

所居號口口口總謂之口楊氏公口之子舜靖舜靖

之子信信之子禹禹之子言言之子口口之子口口配

裴氏於公為口父口金口口以太宗之家口祭祀口口

口楊葬皆從西臺君子超道超道配尙氏正隆口避王



統制之亂寓乾州南自口族人號口口翁公口口翁次  
子也幼喜讀書與口口張子口口嘗手抄經傳尤愛王  
符口論與賓客談時稱誦之弱冠仕州縣爲屬口口興  
郡王口口西口口口知公名遠之口從甚信重之公口  
爲王口口與民皆吾人奪彼與此其利安在王嘆曰我  
正以此口罪今日之役口命口口口言哉口口口  
吏有口口山口口名口一口以口口當之口公謂同列  
口奪人之口又誣以罪豈朝廷意耶吏口口泰和口見  
公府文移口口口謂所口口我往在丹州時見口  
口口口口口以口文相欺比來官口殆似之口  
及泰和律下閱之踰月不樂者口之口亂口口口口  
口口口口不如口口口統不口如制聖人立法口從  
口口人情不口口亦口我於法口未嘗見一事可與  
相當者口比附爲口口口口口口口口口口乃  
事口先爲之防口猶口口口以障江河必無是理知  
不可行將口口口易紛紛不已安得不亂口口口口  
口口口口口口口口口口口令口口口富口口  
口口口安口口口時皆處口僚公率爲口禮又大舉顯  
道口口口以事口上官幾口口口口口之口口口口  
口口口喜口口大官公之知人多口口口學古文戒



之曰無獨與同輩較優劣能似古人乃古文爾吾雖口  
 能想理當口口以口口口口公口公口口若欲吾  
 兒讀此耶必欲學詩口當從毛詩讀耶不然亦須讀杜  
 工部詩耳我見界上官口口兩國口口賈口口口無  
 的口口口口口口乎復何望焉所謂讀毛詩者口如口  
 口口茹欲兒輩就地頭買之耳以口祐三年三月二十  
 有五曰春秋六十有三終口口口口口口口口口口  
 崔氏生子燧繼室閔鄉程氏口子口口口口燁燁繼室  
 晁氏生子口口炳舉進士奩口辟東省口口口恒安撫  
 司經歷官口部令口諸孫六口以明年正月七日葬公  
 於州南小口村新塋口南翁墓次三夫人口焉禮也公  
 口雅重儀矩可觀家居未嘗有情容子弟見者必口口  
 口乃前有所問口反復思之不敢對也當官公口所口  
 反甚多嘗夜口口里口兒為其父作黃口召諸子告之  
 曰某家作口事人口之有孝心我視之殆兒戲耳此人  
 口同列其斷獄口知之矣人有口曲世人口有不口口  
 之為直者口欲賂神耶我平生執法過誤或有之至於  
 故以口口物口口無口也後日口不諱慎口為此以為  
 識者笑耀人李安口口口公嘗贈以口口引云純夫吏  
 業而儒行家貧而好客居今之世而口口金帛而口口



墨是四反也□□名流其□□公如此故嘗論關中風  
土完厚習俗不數易正隆大定閒去平世爲未遠公生  
於其間世族之所□風化之所□□以資□之美君子  
之言長□之事宜不學而能之况志於學如此□今煥  
□學爲通儒有關中夫子之□往在□□□宰相□信  
□□□□禮□□□□□□□□□□李都  
□□□□□司之純皆所□行與□蓋自百餘年以來  
□中士大夫□重名者皆莫能□□右□□□□知  
□□銘曰

鄴唐虞□世□奉天子孫下衰混□齊編□公□□□  
□□全□□□□□□□□□□□□則□□□  
□□□□□□殆造物□□□之□□□□窮之□  
然則古所謂□聖□□□命所闕下

唐書宰相世系表載鄴國公侑子行基行基子棻棻  
子温温子幼言自幼言以下不及之碑云幼言生顥  
顥生皋皋生免免生珍珍生光贊光贊生懷順懷順  
官金紫仕至西臺御史襲封至五代漢國始除此可  
以補唐史之缺又云西臺有子十二人長曰公侯次  
曰公神公畱公賢公洪公素公石公祚公良公通公  
演公伏號十二楊村公侯子舜靖舜靖子信信子禹



禹子言言子宗宗子懋懋子超道公爲超道之次子  
攷唐以奉天之地四百頃賜楊氏故子孫遂爲縣人  
好問作楊奐碑文云譜系之詳見君自叙然則此卽  
本奐所叙述矣奐卽振子元禮華陰人見奐碑

關中金石

記

按碑文元好問撰閒段缺泐遺山集不載無從校  
補据楊奐碑云父振則此碑爲奐之父也首行云  
公姓楊氏唐鄠國十九世孫鄠國公諱佑卽隋恭  
帝遜位於唐封鄠國公据姓苑楊氏出宏農天水  
二望是在宏農者其一也隋書高祖紀稱高祖宏

農郡華陰人推而上之東漢楊震亦宏農華陰人  
則振之世居華陰不因唐之賜地關中金石記誤  
矣自鄠國公以下唐書無傳僅見宰相世系表至  
五世而止此碑叙振事實大都習吏事而喜讀書  
者中及泰和律金史刑志承安四年覆定令文泰  
和元年所修律成凡三十卷名曰泰和律義振大  
意謂聖人立法從順人情今法令紛紛不已安得  
不亂又論學古文無獨與同輩較優劣能似古人  
乃古文爾又論學詩當從毛詩讀亦須讀杜工部  
詩又言嘗夜聞里中兒爲父作黃籙召諸子告曰



某家作佛事人謂之有孝心我視之殆兒戲耳後  
日我不諱慎毋爲此云云觀此可想見其爲人矣

濟州李演碑

碑連額高一丈六寸廣三尺九寸二十二行行六十  
字正書額題大金故贈中順大夫濟州刺史李公碑  
銘十六字篆書在  
濟寧州學泮池東

大金故應奉翰林文字贈濟州刺史李公碑銘并序

朝列大夫口王府文學兼記室參軍騎都尉賜紫金

魚袋臣崔禧奉 勅撰

翰林直學士口議大夫知 制誥輕車都尉天水郡

開國伯食邑口百戶賜紫金魚袋臣趙秉文奉 勅

書

尚書省令史承直郎雲騎尉賜緋魚袋臣潘希孟奉

勅篆額

勇而易發此强悍者之喜爲也然臨難畏死者有之柔  
而不武此仁賢者之常行也然見義捐生者有之蓋人  
之忠節皆絲心理取舍之口口在虜辭氣之強与柔也  
平居之時從容自許至於行義之莢孰不有是言哉負  
勢而直往肆忿而輕死真倡勇也倉卒之變惑亂口撓  
保身毀節向之剛猛皆虛氣所使安足恃哉其有天資  
純固涵養正理响响然常有温粹之容低首斂氣退然



似不足者不幸而與禍會則明誠審決義不內顧雖狂  
鋒虛燄樂□□就是豈前弱後勇哉惟其所畜之深有  
激則奮必將絕世驚俗凜然爲死下之英烈是可重也  
然則節義者士之所素學以爲名教大法豈若世間淺  
淺□□苟合偷生者耶其爲有國家者之旌賞也宜矣  
粵貞祐之初兵久不解虜騎南下攻圍係戮肆毒侵淫  
二年正月至於濟郡人李演以前應奉翰林文字□□  
屈此因之□□者爲備禦三日虜不能得併召其黨大  
集口城下勢不敵城陷公被執彼固疑其衣冠也曰若  
非李應奉乎蓋虜中素聞其名意欲得而使之也口承  
問曰然虜喜事之跪曰大官可得也公曰我進士第一  
人重有祿位汝何禽畜吾豈爲汝使哉賊忿擊其脛碎  
之終不屈繼中以刃至死猶罵云嗚呼懿哉是豈仁者  
之真勇與已而虜退 朝廷遣使宣撫山東廉得其實  
奏請加贈 上意矜恤隨以濟州刺史之章仍令勒  
碑致祭淵乎 聖慮其知所先務矣惟平亂定難在曉  
人以逆順之理而起其忠義之氣今賞典首及死節之  
士其於驅策將士深得口鼓舞之術也臣禧承 命拜  
手爲之銘曰

君子所守 唯義之爲 威武不屈 死生不移



世教舉此 以為常理 此而不知 安足為士

英英李公 初以文稱 循常謹甚 眾未謂能

孰知其中 慨有事在 志吞萬兵 氣蓋四海

胡鷓雖鷲 甚翫而輕 姦鉢雖憎 視之猶生

高節終完 素心不愧 聖主知賞 忠魂尤慰

鉅野茫茫 黃流湯湯 樹碑共側 名与之長

峇貞祐四年歲次丙子八月一日昭信校尉濟州倉

草場都監權司候字术魯監修

奉國上將軍濟州刺史兼知軍事提舉河防常平倉

事廣平郡食邑 戶護軍統石烈立石

案金史本傳李演字巨川任城人泰和六年進士第

一官應奉翰林文字丁憂里居值元兵圍任城墨衰

守禦不屈死年三十餘特詔有司為立碑今題銜撰

書篆額皆云奉敕者此也後列銜李术魯統石烈二

人氏而不名其云濟州倉草場都監察百官志草場

使防刺仍舊置都監一員濟州中刺史也草場設都

監與史合而以倉并于草場則史未載也

山左金  
石志

按李演以泰和六年舉進士第一至是殉難而死

首尾相去僅八年卒後二十年而金亡則當衰亂

之秋而猶能不沒其忠贈官銘墓可見朝廷之紀



綱固猶未盡隳已李木曾紇石烈皆金國部落之名碑立于貞祐四年所紀乃二年正月元兵圍濟州之事金史宣宗紀貞祐二年正月但載大元兵徇彰德府益都府懷州而不及濟州金貞祐二年於元爲太祖九年元史太祖紀九年不書正月事而於八年書是秋帝與皇子拖雷爲中軍取雄霸莫安河間滄景獻深祁蠡奠恩濮開滑博濟泰安濟南濱棣益都淄濰登萊沂等郡据此碑則濟州之陷在二年正月旣與元史異且陷而復退仍受金人宣撫又元史所畧也元史地理志濟寧路至

太宗七年始割屬東平府而未詳其入版圖在何年要之貞祐二年猶未爲太祖所取可据碑以證也此碑撰者崔禧篆者潘希孟史皆無傳書者趙秉文傳稱字周臣磁州滏陽人登大定二十五年進士第泰和末累官兵部郎中兼翰林修撰俄轉翰林直學士貞祐二年上言願爲國家守殘破一州以宣布朝廷恤民之意上曰方今翰苑尤難其人卿宿儒當在左右不許碑結銜與史合李演墓在濟寧州城西二里碑應立於墓上不知何年移立州學碑書美卽美字隧同禊字



進士題名記

碑殘缺僅存高二尺九寸廣一尺七寸五分字數行數無攷正書隸額在西安府

阜昌六下缺

第一甲 朱希仁下缺

第四甲 劉晉 錄事司下缺

皇統二年狀元宋端卿勝下

第四甲 鄭之純 錄事司 經下缺

皇統九年狀元王堪勝下 第下缺

第四甲 蕭簡 咸寧縣 承安下缺

正隆二年狀元鄭子聃勝下 第三下缺

第三甲 孟師顏 咸寧縣 王下缺

大定十六年狀元張璧勝下 恩勝下缺

第三甲 程少連 錄事司 第下缺

貞祐三年狀元程嘉善勝下 第二甲馮辰 臨潼縣

第三甲王格 櫟陽縣 崔元亮 錄事司下缺

貞祐三年經義狀元劉汝翼勝下 第二甲吳口 錄事

下缺

興定口年狀元張仲安勝下 第三甲楊天德 高陵縣

張下缺

按此碑殘闕玩其文乃金朝京兆府進士題名也



所題自阜昌六年迄興定口年八科進士之名下  
截旣闕而左右亦不能定其止於此否無記文序  
述可攷見其立碑之原委金史選舉志進士舉人  
之設始于天會元年十一月二年二月八月凡再  
行焉五年詔南北取士號爲南北選熙宗天眷元  
年五月詔南北選各以經義詞賦兩科取士海陵  
天德二年始增殿試之制更定試期三年併南北  
選爲一罷經義策試兩科專以詞賦取士世宗大  
定二十二年謂宰臣曰漢進士魁例授應奉若行  
不副名不習制誥之文者卽與外除二十八年復

經義科章宗承安四年諭宰臣曰一場放二狀元  
非是後場廷試令詞賦經義通試時務策止選一  
狀元餘雖有明經法律等科止同諸科而已遂定  
御試同日各試本業詞賦依舊分立甲次第一名  
爲狀元經義魁次之恩例與詞賦第二人同餘分  
爲兩甲中下人並在詞賦之下宣宗貞祐二年御  
史臺言明年省試以中都遼東西北京等路道阻  
宜於中都南京兩處試之興定二年特賜經義進  
士王彪等十三人及第史志之可攷者大畧如此  
金史本紀凡賜進士某人等及第或書或不書故



狀元之名不能備攷此碑首載阜昌六三字蓋是阜昌六年也金史劉豫傳甚略不足據宋史豫傳載阜昌四年二月策進士又七年春策進士獨不及六年與碑異碑載皇統二年狀元宋端卿九年狀元王堪正隆二年狀元鄭子聃大定十六年狀元張璧貞祐三年狀元程嘉善經義狀元劉汝翼興定口年勅一字据後題名碑是二年狀元張仲安宣宗紀貞祐三年四月丁未詔自今策論詞賦進士第一甲第一人特遷奉直大夫第二人以下經義第一人並儒林郎第二甲以下徵事郎同進士從事郎經

童將仕郎但詳其授階而不詳姓名此碑知兩狀元為程嘉善劉汝翼也碑載諸狀元中惟鄭子聃金史有傳餘人無攷傳稱子聃字景純大定府人及冠有能賦聲天德二年廷試中第一甲第三人子聃頗有才望自負常懶不得為第一甲第一人正隆二年會試畢海陵以第一人程文問子聃子聃少之海陵問作賦何如對曰甚易因自矜且謂他人莫已若也海陵乃使子聃與翰林修撰等同進士雜試七月癸未海陵御寶昌門臨軒親試以不貴異物民乃足為賦題忠臣猶李子為詩題憂



金石錄卷一百五十一  
國如飢渴爲論題上謂讀卷官翟永固曰朕出賦  
題能言之或能行之未可知也詩論題庶戒臣下  
丁亥御便殿親覽試卷中第者七十三人子聃果  
第一海陵奇之此狀元鄭子聃事實之可攷者也  
碑載進士里貫有注縣名者有注錄事司者金史  
百官志諸府節鎮置錄事司凡府鎮二千戶以上  
則置之是府鎮之民不隸於諸縣而隸錄事司者  
也

程震碑

碑高八尺五寸廣四尺二十四  
行行六十四字正書在優師縣

金故少中大夫御史程君墓碑

河東元好問撰

東勝李微書

樂城李治題額

君諱震字威卿先世居洛陽元魏遷兩河豪右實雲中  
二州遂爲東勝人曾大父獲慶大父總質直尙氣鄉人  
有訟多就決之至於婚嫁喪葬不能給者亦借力焉父  
德元自少日用俠聞嘗與羣從分財多所推讓州里稱  
之後以君貴封少中大夫雷內翰淵述世德之舊備矣  
少中子七人長曰鼎臣孝友仁讓閭門肅睦有古君子



之風以六赴廷試賜第調濮州司候判官次曰雷由武  
弁起身官懷遠大將軍行軍副統君其第三子也資嚴  
毅雖所親不敢以非禮犯之幼日夢人呼爲御史故每  
以諫輔自期

章宗明昌二年經童出身補將仕

佐郎泰和中年及注授臨洮府司獄忻州司候判官以  
口幹西南路招討司奏辟提控沿邊營城糧草尋擢王  
綱勝詞賦進士乙科換偃師主簿

宣宗幸汴梁

入爲尙書省令史時相知其可用不半歲特授南京警  
巡副使秩滿例爲廣盈倉監支納官興定初辟舉法行  
用薦者除陳畱令將之官白府尹言縣務不治令自任

其責丞簿佐史輩無預焉幸無擾之使令得盡力尹  
之旣到官事無大小率自負荷次官奉行而已時秋大  
旱冬十月乃雨歸德行樞密院發民牛運糧徐邳君爲  
使者言吾麥乘雨將入種牛役興則無來歲矣使者不  
能寬十日程耶民事果集雖乏軍興吾不辭也使者怒  
而去君力畢農種糧運亦如期而辦行院仍奏君要譽  
小民不以軍食爲急朝廷不罪也旣受代大司農奏  
課爲天下第一御史臺察能吏亦爲奏首且言可克臺  
諫京東揔帥府奏辟經歷官不許乃拜監察御史君蒞  
職慨然有埋輪之志卽劾奏平章政事荆王以

陞



下之子任天下之重不能上贊君父同濟艱難顧乃專恃權勢滅棄典禮闕納債賂妄進退官吏從與奴隸侵漁細民名爲和布其實脅取諸所不法不可一二數

陛下不能正家而欲正天下難矣書奏 宣諭御史

臺程震敢言如此佗御史不當如是耶且有 旨切責

荆王出內府銀償物直敕司馬杖大奴而不法者數人

於是權貴皆爲之斂手東方頻歲饑饉盜賊蠭起特

旨以君攝治書侍御史兼戶部員外郎運京師糧八萬

碩賑徐邳君經畫饒道十里一置驛羅弓力以防寇敕

具斧斤以完器用備醫藥以起病疾勸助藉以通 聖澤

輦運相仍如出衽席之上饑民踵來凡所以爲貸爲糴

爲賑贍計度肥瘠無一失其當州民請於京東帥司願

留我程御史以福殘民帥司奏君爲行部官 詔再往

徐邳荆王積不平密遣諸奴誘姦民徐璋造飛語訟君

於臺諸相不爲奏而王獨奏之 宣宗頗直君欲

勿問王執奏再三乃從之時 太子領樞密院事遣醫

藥官王子玉諭 旨推問官程御史爲縣治行第一監

察又稱職有罪無罪勿爲留難已而璋伏誣告君當還

臺在律官人與部民對訟無罪猶解職王諷大理寺御

史言天下事在所皆部民竟用是罷官君泰然自處都



無已仕之慍聚書深讀蓋將終身焉天不假年以正大  
元年三月二十有一日春秋四十有四終於京師嘉善  
里之私第積官少中大夫夫人史氏封安定郡君先君  
歿子一人思溫舉進士四弟皆補君廕頤監西水場晉  
監棹州稅務恒監緱氏酒務升 宣授招撫使以是季  
十月二十有七日舉君之柩祔於金昌府芝田縣官莊  
里少中君之新塋禮也嗚呼生才爲難盡其才重爲難  
使君得時行道坐於廟堂分別賢否其功烈可量也哉  
方行萬里而車折其軸有才無命古人所共歎雖然地  
遠而位卑身微而言輕乃以一御史犯強王之怒卒使  
權賢落膽縉紳增氣雖不遇而去信眉高談亦可以無  
媿天下矣尙何恨耶乃爲之銘曰  
曲士賣直見豺而慄鄙夫媿媿與鳧同波犯父子之至  
難孰絞訐而上劇橫潰我障剛瘳我詞鍊心成補天之  
石奮筆爲却日之戈古有之和臣不忠忠臣不和彼容  
容者之所得奚後福之能多有山維崧有水維河程君  
之名永世不磨

中統四年歲次癸亥秋七月己卯朔弟恒建

太原高簡刊

童鈺按程氏塋在今緱氏縣程家村東據元好問墓



表稱太中大夫而舊府縣志俱以為少中大夫似誤

優師  
縣志

億按程震金史有傳皆約取遺山此碑中有少異者  
傳言與其兄鼎俱擢第碑云少中子七人長曰鼎臣  
較史稱單名者不符碑下刻震兄內有雷亦一字單  
名而長獨雙名莫知其義也或臣字當作以字以字  
連下讀字形涉似勒石者誤耳傳載劾荆王語今舉  
碑文後言未幾坐為故吏所訟質之此碑乃部民徐  
璋造飛語非故吏也史文欲約其事而義反不著皆  
此類也碑言芝田縣官莊里今官莊在緱氏鎮東南

十餘里又碑前題兩程夫子之後妄庸人附會誤鑿  
耳碑中統四年立金石攷乃謂至大七年若未觀此  
碑者皆踈舛之甚也又童氏據遺山集云太中大夫  
當由未見石搨今碑正言少中大夫足徵舊府縣志  
非誤而遺山集傳刻者誤也

優師金  
石遺文

按此碑為元遺山撰檢遺山文集校之有不同者  
質直尚氣集下有節字後以君貴集以作用封少  
中大夫集作太中凡碑言少中集俱作太中少中  
子七人集作八人長曰鼎臣集無臣字孝友仁讓  
集作孝弟調濮州司候判官集無判官二字官懷



遠大將軍行軍副統集無行軍副統四字以口幹

泐一字集作廉幹西南路招討司集作為西京招

討司則無來歲矣集作則無來歲計矣而欲正天

下集無欲字程震敢言如此集作程某償物直集

償上有使字杖大奴而不法者數人集而作尤金史

震傳荆王計度肥瘠集作忖度京東帥司集作帥

傳俱同府下文為行部官集作行為部官詔再往徐邳集

作徐宿邳時太子領樞密院事集作哀宗時在春

宮四弟皆補君廕以下二十九字集皆無以是年

十月二十有七口集作以某年月日官莊里集作

某里生才為難集作實難銘詞剛瘳我訶集作我

阿有山維崧集作維嵩蓋撰文與鐫碑定集皆不

同時宜乎文有小異也程氏墓碑見于偃師金石

遺文者有三一即此碑一為程思廉碑思廉者震

弟恒之子也一為程思茂碑思茂者震之叔德懋

之孫也思茂碑為元翰林直學士尚野撰載程氏

世系規置遷葬事極詳凡此碑所稱少中思茂碑

皆作太中內有云贈太中大夫震可知震官止于

少中不知何年贈太中故思茂碑稱震之父仍為

少中稱震皆為太中遺山集或亦因此改之也思



茂碑叙先世云居洛陽上程聚西晉侍中咸封上  
程侯元魏遷兩河豪右實雲中三州始居豐徙振  
武凡四遷為東勝人較此碑更詳可以廣所未備  
碑云雷內翰淵述世德之舊備矣雷淵金史有傳  
字希顏一字季默應州渾源人官至翰林修撰碑  
稱少中子七人長曰鼎臣次曰雷三即震末云四  
弟頤晉恒升遺山集作八人而不載震之四弟無  
從考定据思茂碑載少中第四子頤第五子晉第  
六子惠第七子恒第八子升是集作八子者不誤  
碑所以作七子者始惠已早卒也七子皆單名獨

長子名鼎臣遺山集又無臣字思茂碑同武虛谷遂疑

臣當作巨字形相近而譌然碑下文即云以六赴

廷試賜第此句不當用以字與下文複以文義亦

不合虛谷之說未確也震以明昌二年經童出身

金史選舉志經童之制凡士庶子年十三以下能

通二大經三小經又通論語諸子及五千字以上

府試十五題通十三以上會試每場十五題三場

共通四十一以上為中選据碑震以正大元年卒

年四十四推其生在大定二十一年至明昌二年

年才十一也碑云西南路招討司集作西京路金



史百官志招討司有三處西北路西南路東北路則集作西京者誤也宣宗幸汴梁乃貞祐二年事碑云興定初辟舉法行用薦者除陳畱令金史選舉志興定元年令隨朝七品外路六品以上職事官舉正七品以下職事官年未六十不犯賊堪任使者一人三年定辟舉縣令制稱職則元舉官減一資三品以上舉縣令稱職者仍量升除五年以舉官多濫罷辟舉縣令之制据此則震之被舉在五年以前矣劾奏平章政事荆王金史列傳荆王守純本名盤都宣宗第二子貞祐元年封濮王三年爲樞密使四年拜平章政事興定三年三月進封英王時監察御史程震言其不法宣宗切責杖司馬及大奴尤不法者數人哀宗卽位正大元年正月進封荆王蓋震劾奏之時守純封英王而文稱荆王者從其後封也徐璋造飛語事荆王傳不書從略也震以正大元年十月葬遺山撰文宜卽在此時若待立碑之時爲中統四年則遺山卒後七年矣遺山生卒本傳及墓銘俱不詳惟王鶚撰遺山文集後引云余與子同庚甲考元史王鶚傳稱至元十年卒年八十四推其生在金昌宗明昌



元年庚戌歲金史元好問傳稱好問年六十八

與鶚同庚甲則亦生於明昌庚戌中八戌下推六

十八年為元大朝丁巳歲以此知遺山撰此碑不

在中統四年也立碑者震之弟恒署名而不署其

官据思廉碑稱恒官宣授沿邊監摧規運使下缺思

茂碑載程氏先世居洛陽後遷東勝從伯父太中

震調官偃師始復先世居青龍甲午天下甫定奔

走先塋陵谷變遷尋訪百至偶自民井怵見一穴

持火下視棺志宛然贈少中大夫輕車都尉安定

郡伯德元也旁近隱然二封鑿之乃儒林郎濮州

司候判官贈驍騎尉安定縣男鼎監察御史攝治

書侍御史戶部員外郎贈太中大夫加二輕車都

尉進封安定郡開國伯邑缺百戶賜紫金魚袋震

也然則震與兄鼎同祔父塋而爵邑皆此碑所略

碑云祔葬金昌府芝田縣官莊里金昌府者即河

南府興定元年所更芝田縣為宋之永安縣乃析

鞏縣地置者金貞元元年更名入元乃廢今官莊

里在緱氏鎮緱氏鎮舊為緱氏縣宋時省入偃師

故今偃師縣志載此碑遺山仕金終於翰林知制

誥金不仕故其所作雖刻于元例得錄入于金



後楊奐碑仿此

京兆府學教養碑

碑高六尺二分廣三尺四寸三分二十五  
行行四十八字正書篆額在西安府學

大金重修府學教養之碑

奉天楊煥書

徵事郎張邦彥篆額

蓋聞擾攘之後必有惟新之圖憂患之餘必有增益之  
智不然安得勲高前古措世降平者哉 我國家應  
天順民雖馬上得天下然 列聖繼承一道相授以

開設學校為急務以愛養人材為家法以策論詞賦經

義為擢賢之首天涵地育磨礪而成就之是以將相全  
材磊落間出其大者俊偉雄傑光華汗簡其次者猶能  
以謹朴廉潔自重從源徂流彌稱多士郁郁彬彬追蹤  
三代及乎妖孳元都素教皇風開闡未暇仰  
惟 行省 參政 金源完顏郡公 卓然忠節深結

主知名高建武之功臣親沐貞觀之政化英風義  
槩北伐南征沙漠江淮威名大震輕裘緩帶歌雅投壘  
碩德元勳超今邁古軍國識餘乃會 參議知府石蓋

公 尚書張公暨 潭府英髦而謂曰自兵凶以來貴  
胄氏族子弟流離關中者為多伍庸隸儕浮民恣意於



蒲博彈弋之間相與扇暉為惡未見能善其後也事有似緩而急者其此之謂乎聞之府庠贍士田舍皆前賢清俸所營吝而弗與何以副天子明天子崇儒設學之

意乃發廩粟出帑資以為糞塩之費而教育之慮規矩之不肅以行省鄆中宏文裴滿蒲先外郎集賢

上黨張止賁都事裴滿世論龍山高誼柱石廟堂著龜帷幄胷中萬卷書筆下數千言道學淵源為世摹範

俾提舉焉奉政兀顏德正承直都邦用皆當世間人老於學問俾教授焉於是檄有司督工役支傾補缺聯

斷洗昏植陪碑於茂草墓廢址於鞠蔬殿宇翬飛石經堵立齋厨廊廡煥然一新濟濟乎洋洋乎聚秀異而譁焉易以經之禮以緯之詩書以成之春秋以斷之標準

語孟鼓吹韓柳博采於歷代史氏日漸月滋作為文章華國藩身厥績茂矣可謂過鼂董嚴卿雲誠貫道之器

異夫雕花草而狀風雲也每月旦二公泊學官鎖院私試擇掾屬馳聲場屋者同考之選猶禮貢嚴類棘圍

明鏡前平衡下崖妍即辨銖兩不差士子得占榜者同華袞之賜其勉勵又可知已屢以省醞百壺見貺助

醉經之餘旨講鄉射之遺風酌唐舜薰釀味周孔醇厚斥諸子之澆漓黜老莊之淡泊吸幽挹鑿發為英華陶



然於洪鈞之中豈設醴之比哉將見直玉堂待金馬謀  
王體斷國論詔感卒泣檄愈頭風一書下燕國三箭定  
天山執謂秦無人也諸生其勉旃勿負我良相賢大  
夫教養作成之意正大二年十二月中澣日蒙泉劉涓  
謹記

直學元善長張師德 學錄吳聽 學正安濟

直學蒲察貞固顏蓋公直 學錄蒲鮮元慶 學正

蒲察成

朝列大夫長安縣令賜紫金魚袋范昂霄 少中大  
夫咸寧縣令賜紫金魚袋紇石烈阿鄰督役

宣武將軍錄判張和 奉國上將軍錄判完顏得哥

宣武將軍京兆府錄事孫立立石

承直郎 省差教授賜緋魚袋邳邦用 奉政大夫

京兆府教授賜緋魚袋元顏德正立石

長安樊世亨刊

右重修府學教養碑其云行省參政金源完顏郡公  
者完顏合達也金史哀宗紀正大元年三月以延安  
帥臣完顏合達戰禦有功授金虎符權參知政事行  
尚書省事于京兆合達傳則云元光元年正月遷元  
帥左監軍權參知政事行省事於京兆未幾真拜年



月互異要當以本紀為正傳不云封金源郡公蓋史  
文之漏也書石首者為奉天楊煥即元史之楊奐煥  
乃奐之俗體非異文

楷研堂金  
石文跋尾

按此碑劉涓撰楊煥書以頌行省參政金源完顏  
郡公教養京兆府學諸生之德政也碑立于正大  
二年十二月其時官行省參政者完顏合達金史  
百官志封爵郡公有十郡金源其首也金史列傳  
多不書封爵非獨合達為然故合達傳中不言其  
封金源郡公其官京兆行省傳作元光元年正月  
哀帝紀作正大元年三月碑文不著到京兆歲月

不能定其孰是然以教養學校大事傳無一語及  
之史之略也據傳載正大二年七月陝西旱甚合  
達齋戒請雨雨澍是歲大稔民立石頌德碑立即  
在是年十二月而文中亦無一語及之或碑文作  
於七月以前歟陝西通志名宦傳僅節取史傳未  
嘗採及碑文以著其培養士子之功尤踈略之甚  
也文中稱參政知府石蓋公行省郎中裴滿蒲先  
外郎集賢張士貴都事裴滿世論教授奉政兀顏  
德正承直邳邦用其在年月後者有若直學蒲察  
貞固顏蓋公直紇石烈阿鄰皆無傳可攷金國語



解姓氏門完顏漢姓曰王裴滿曰麻兀顏曰朱蒲  
察曰李顏蓋曰張紇石烈曰高獨於石蓋闕焉史  
有石蓋女魯歡傳亦不能攷其漢姓爲何邳姓不  
見於諸史列傳惟史記晉世家有邳鄭後無聞焉

全真教祖碑

碑高一丈一尺廣五尺三十六  
行行八十四字正書在盤崖縣

終南山神仙重陽子王真人全真教祖碑

前金皇叔開府儀同三司上柱國密國公金源壽諡  
葆真齋靜大師前諸路道教提舉李道謙書篆

皇圖啓運

必生異人大定隆興道圓賢哲夫三教各

有至言妙理釋教得佛之心者達磨也其教名之曰禪  
儒教傳孔子之家學者子思也其書名之曰中庸庸道  
教通五千言之至理不言而傳不行而到居太上老  
子無爲真常之道者重陽子王先生也其教名之曰  
全真屏去妄幻獨全其真者神仙也先生名喆字知明  
應現於咸陽大魏村仙母孕二十四月又十八日生按  
二十四氣餘土氣而成真人也先生美鬚髯大目身長  
六尺餘寸氣豪言辯以此得衆家業豐厚以粟貸貧  
人惠之者半其濟物之心略可見矣弱冠修進士舉業  
籍京兆府學又善武略聖朝天眷間收復陝西英豪獲



用先生於是捐文場應武舉易名德威字世雄其志  
足可以知還被道氣克餘善根積著天遣文武之進  
兩無成焉於是慨然入道改今之名字矣會廢齊攝事  
秦民未附歲又饑饉時有羣寇劫先生家財一空其大  
父訴之統府大索於鄰里三百餘戶其所亡者金幣頗  
復得焉又獲賊之渠魁先生勉之曰此乃鄉黨飢荒  
譬如乞諸其鄰者亦非真盜也安忍陷於死地縱捨使  
去里人以此敬仰先生愈甚咸陽醴泉二邑賴先  
生得安是後於終南劉蔣村剝別業居之置家事不問  
半醉高吟曰昔日龐居士如今王害風於是鄉里見先  
生曰害風來也先生卽應之蓋因自命而人云正隆中  
卯季夏旣望於甘河鎮醉中啗肉有兩衣襖者繼至  
屠肆中其二人形質一同先生驚異從至僻處虔禱作  
禮其二仙徐而言曰此子可教矣遂授以口訣其後愈  
狂詠詩曰四旬八上始遭逢口訣傳來便有功明年再  
遇於醴泉邀飲肆中酒家問之鄉貫年姓荅曰濮  
人年二十有二姓則不知也其異歟畱歌頌五命先生  
讀餘火之文載全真集中自此棄妻子攜幼女送姻家  
曰他家人口我與養大弗議婚禮畱之而去又爲詩故  
以猥賤語詈辱其子孫其末後句云相違地肺成歡樂



撞入南京便得真後別號重陽子於南時村作穴室居  
之名曰活死人墓後遷居劉蔣村北寓水中坻凡肆口  
而發皆塵外語鄉人唯以害風謔而未始詢其意遇游  
則挈一壺行歌且飲有乞飲者亦不拒或以壺取  
水與人但覺其釀香冽異常後復遇至人飲以神瀉因  
止酒唯飲水焉人聞先生口鼻間醞酣之氣而已醉矣  
大定丁亥四月忽自焚其菴村民驚救見先生狂舞於  
火邊其歌語傳中具載又云三年之後別有人來修  
此庵口占詩有修庵人未比我風流之句凌晨東邁過  
關携鐵甌一枚隨路乞化而言曰我東方有緣爾七月  
至山東寧海州郡豪有馬從義者先夢南園仙鶴飛蒼  
未幾先生至馬公信猶未篤先生於鶴起處築全真庵  
鎖門百日化之或食或不食又絕水火庵至馬宅幾百  
步復隔重街馬公寢於宅中樓上門戶扃閉先生遇夜  
親對談論不知從何而來人欲寫其神左目右轉右目  
左轉或見老少肥瘠黃朱青白形色無定人不能狀之  
馬夢母曰有客呂馬通者未嘗語人次日先生訓馬公  
名曰通馬復夢有梓匠周生者傳道與馬卽辭乃尊有  
關中之行被席出家見一道士入族人馬戶曹邸馬亦  
隨人見先生與道士對坐有馬九官人者求術於二



老先生曰公曰教馬哥代我於是馬公誦歌一首約二百餘字夢覺唯記歌尾 三兩句云燒得白煉得黃便是長生不死方翌日先生訓馬公法名曰鉅号丹陽子又夢隨先生入山及旦先生便呼公曰山洞至於出神入夢感化非一有譚玉者患大風疾垂死乞爲弟子先生以滌面餘水賜之盥竟眉髮儼然如舊頓覺道氣蕭洒訓名處端号長真子又有登州棲霞縣丘哥者幼亡父母未嘗讀書來禮先生使掌文翰自後日記千餘字亦善吟詠訓名處機号長春子者是也後願禮師者雲集先生誚罵捶楚以磨鍊之往往散去得先生道者馬譚丘而二八年二月鑿洞崑崙山於嶺上採石爲用不意有巨石飛落人皆悚慄先生振威大喝其石屹然而止山間樵蘇者懽呼作禮遠近服其神變又或餐瓦石或現二首坐 庵中人見游於肆或畱之飯預言

來餽者何神通應物不可槩舉至八月間遷居文登姜氏庵在張氏家食童子輩見目前琉璃瑪瑙珍珠衆寶競來乞取餘人則不能見於文登建三教七寶會九年己丑四月寧海周伯通者邀先生住庵榜曰金蓮堂夜有神光照曜如晝人以爲火災近之見先生行光明中寧海水至鹹鹵先生呪庵之井至今人享其甘潔於是



就庵建三教金蓮會至福山縣又立三教三光會至登  
州游蓬萊閣下觀海忽發颶風人見先生隨風吹入海  
中驚訝間有頃復躍出唯遺失簪冠而已移時却見逐  
水波汎汎而出或言先生有秀者即示以病眸或誇先  
生無漏者即於州衙前登瀛凡為變異人不可測者皆  
此類也在 登州建三教玉華會至萊州起三教平等  
會凡立會必以三教名之者厥有旨哉先生者蓋子思  
達磨之徒歟足見其冲虚明妙寂靜圓融不獨居一教  
也萊人從之者眾獨納劉處驪者号長生子有釣罷將  
歸又見鰲之什此四子者世所謂丘劉譚馬也又於寧

海途中先生擲油傘於空傘乘風而起至查山王處一  
庵其傘始墜至擲處已二百餘里也其傘柄內有翁陽  
子号王自髻亂閒嘗遇靈庭宮主空中警化今呼云玉  
陽子是也與寧海州署相對有卜隱郝生鸞肆先生倒  
坐於其間郝曰請先生迴頭先生曰爾不迴頭拂袖而  
去郝亦隨悟乃廣寧郝大通也馬公之妻孫不二者亦  
同人道早明心地世云孫仙姑者四哲之亞先生門人  
又有此三太 士矣先生一日告眾曰時將至矣

明日西行道友乞詩詞自旦至夜畱詩曰登途上路不  
由吾雲霧相招本性甦萬里清風常作伴一輪明月每



爲徒山青水綠程程送酒白梁黃旋旋沽今夜一杯如  
有意放開紅燭照冰壺 筆尚未投從外有史公者來  
送酒一座大驚先生勸人誦道德清淨經般若心經及  
孝經云可以修證明日率馬公等四人徑入大梁於磁  
王家旅邸中宿止時遇歲除舉衆別曰我將歸矣衆乞  
畱頌先生曰我於長 安樂村呂道人庵壁上書矣枕  
左肱而逝衆皆號慟先生復起曰何哭乎於是呼馬公  
附耳密語使向關中化人入道至十年庚寅正月四日  
口授頌曰地肺重陽子呼名王害風來時長日月去後  
任西東作伴雲和水爲鄰虛與空一靈真性在不與衆  
人同頌畢儼然而終是後馬公傳道四海大行伏遇世  
宗皇帝知先生道德高明二十八年戊申二月遣使訪  
其門人應命者丘與王也命丘主萬春節醮事職高功  
五月見於壽安宮長松島講論至道聖情大悅命居於  
官庵又命塑純陽重陽丹陽三師像於官庵正位丘累  
進詩曲其辭備載礪磻集中八月懇辭還山至承安丁  
巳六月章宗再詔王處一至闕下特賜号體靈大師及  
賜修真觀一所十月召劉處驪至命待詔天長觀自重  
陽丹陽長春暨諸師皆有文集傳於世嗚呼先生起西  
州化行山東道滿於天下名聞天子開發後人使盡道



遙之遊豈不偉欤後先生五十六年嗣法孫汴京嘉祥  
觀提點真常子李志源中太一宮提點洞真子于善慶  
二大士真實道行靈揚祖道者也殷勤求文於玉陽子  
友人樗軒居士居士援筆而爲之銘曰  
咸陽之屬曰大魏村山川溫麗實生異人幼之發秀長  
而不群工乎談笑妙於斯文又善騎射健勇絕倫以文  
非時復意于武戡定禍亂志欲斯舉文武之進天不我  
與蓋公宿緣道氣爲主慨然 入道真仙□□□刻授  
之□訣秘語人呼害風先生承當或歌或舞以酒徜徉  
維摩非病接輿不狂肆□而發皆成文章燒却庵舍拂  
袖關中乞化而往全真道東寧海因緣萊陽通融亟顯  
神異東人畢從陶汰 真實杜絕□□□長春大啓  
其門遭遇聖朝爲王之賓先生高躅望若星雲瀛海渺  
然仙跡宛存此道大行道遙乎闕下  
至元乙亥歲中元日陝西五路西蜀四川道教提點  
兼領重陽萬壽宮事洞觀普濟圓明真人高道寬  
重陽萬壽宮提點悟真了一襲明真人申志信  
衍真復朴純素真人張志悅立石 長安虛靜大闕下  
功德主昭勇大將軍京兆路總管兼府尹兼諸軍奧  
魯營繕司大使趙炳



營繕司副使王海

京兆等路採石提舉謝澤

副提舉段德續

按道家全真教至元始有此名以王重陽爲之祖此碑蓋述重陽之道行也撰者題云前金皇叔密國公金源壽碑刻于元世祖時故稱壽爲前金金源者建國之號也金史地理志上京路卽海古之地金之舊土也國言金曰按出虎以按出虎水源於此因取以建國而壽乃用以著其籍也壽史有傳附越王傳後越王者世宗子諱承功元妃張氏

所生其昭德皇后生子諱允恭爲世宗第二子允恭生子珣嗣位爲宣宗尊允恭爲帝廟號顯宗宣宗生子守緒嗣位爲哀宗碑文撰於哀宗之世壽父越王與顯宗同爲世宗子壽與宣宗同爲世宗孫故哀宗稱壽爲叔父也傳稱壽本名壽孫世宗賜名字仲寶一字子瑜喜爲詩工真草書正大初累封密國公與文士趙秉文楊雲翼雷淵元好問李汾王飛伯輩交善天興初臥疾是時曹王出質壽見哀宗曰聞訛可欲出議和訛可年幼不苦諸練恐不能辦大事臣請副之上慰之曰承平時叔



父未嘗沾漑無事則置之冷地緩急則置于不測  
叔父盡忠固可天下其謂朕何于是君臣相顧泣  
下未幾以疾薨生平詩文甚多自刪其詩存三百  
首樂府一百首號如庵小藁其詩今見於中州集  
者四十一首而文無傳焉遺山云密國公壽百年  
以來宗室中第一流人也少日學詩于朱巨觀學  
書于任君謨文筆亦委曲能道所欲言所居有樗  
軒又有如庵自號樗軒老人此碑序末自稱樗軒  
居士者以此文叙重陽子示現神異之蹟大都皆  
本其法孫所陳事實多羽流夸誕之詞不足深論  
其云重陽到處立會必以三教爲名因以重陽比  
之子思達磨似欲援儒釋爲輔佐使其教不孤立  
無他意也惟云重陽之教名之曰全真屏去妄幻  
獨全其真是全真之教顯然爲王重陽所立据陶  
宗儀輟耕錄乃云金主亮貞元元年有吏員咸陽  
人王中孚者勅全真之教談馬邱劉和之其教盛  
焉云云談馬邱劉本重陽弟子七真中之四人重  
陽別無中孚之名與字其自關中至山左訪此四  
真在大定七年丁亥歲上距貞元元年癸酉且十  
五年重陽以正隆四年己卯遇仙成道亦距癸酉



七年然則輟耕錄語或皆傳聞之訛也七真者曰  
馬鈺號丹陽子寧海州人曰譚玉名處端號長真  
子東牟人曰邱處機號長春子登州棲霞縣人曰  
劉處元字通妙號長生子萊州人曰王處一號玉  
陽子東牟人曰郝大通號太古廣寧人曰馬鈺之  
妻孫不二號順德世稱孫仙姑重陽化後七真皆  
傳共教寧海神清觀七真皆有塑像而邱處機遇  
元太祖於柰曼問攻戰言必在乎不嗜殺人問爲  
治以敬天愛民爲本問長生久視以清心寡欲爲  
要太祖契其言戰伐生全者毋慮二三萬人語詳  
元史釋老傳又賜號長春真人居大都太極宮改  
額曰長春詳見曰下舊聞重陽好爲詩碑中摘取  
其可者九處又掖縣志載劉長生於鄰壁上見頌  
二句俄遇王重陽於衆中又掖縣青蘿觀有王重  
陽詩碑刻五言絕句一首又有詩碑刻悟真歌一  
篇並見山左金石志又掖縣志仙釋傳載劉處元  
遇王重陽時重陽遺之詩曰釣罷歸來又見鼇已  
知有分到僊曹鳴榔相喚知予意躍出洪波萬丈  
高此碑但載首句今據以補足碑云邱屢進詩曲  
其辭備載磻溪集中又稱重陽丹陽長春諸師皆



有文集傳于世今惟邱處機磻溪集及譚處端水雲集顧氏採入元詩選餘則道藏所錄甚多曰重陽全真集十三卷王嘉同喆撰集卽碑所謂文載全真集中者是也重陽教化集三卷重陽分梨十化集二卷此重陽居馬丹陽家化其夫婦賜混梨令丹陽食之凡无談妙理哀集得三百餘篇重陽金關玉鎖訣重陽授丹陽二十四訣皆論修真漸次及修養丹法附馬自然金丹口訣論性命至理又仙樂集五卷劉長生造詩詞歌頌漸悟集二卷馬丹陽集詩詞歌曲又自然詩詞集一卷洞元金玉

集十卷皆馬丹陽述詩詞歌頌又丹陽神光燦一卷亦馬丹陽撰又靈光集四卷王玉陽撰詩詞歌頌長春子磻溪集六卷邱長春所撰詩詞歌曲譚先生水雲集三卷譚長真述詩頌詞太古集詩詞歌賦序文共一十五卷郝廣寧撰皆在道藏弟同氣連枝交友七字號內蓋七真之中惟孫仙姑無專集耳重陽所爲詞今盤屋劉蔣村重陽宮爲重陽成道處其始門人建祖師庵元初乃賜額重陽萬壽宮有重陽手書無夢令碑又有蘇武慢詞碑並見陝西通志重陽以金大定十年化去後五十



六年李志源于善慶二法孫求文于壽計其時為  
哀宗正大二年又五十年為元世祖至元十二年  
乙亥歲始立此碑統計距重陽之化百有六年矣  
蓋屋縣樓觀元初改額宗聖宮又十八年乃刻高  
翻篆書道德經又刻正書道德經並列於說經臺  
皆完好無缺可知當時道士振作宮宇之勤如此  
此碑亦在說經臺王弼州稱之云道流李道謙書  
道偉有法洵不虛也碑中多空格想因石有裂文  
讓出之非闕字

溫泉風流子詞

石橫廣三尺三寸高一尺八寸十五行行九  
字後記共八行行十七字正書在臨潼縣

右齊僕散汝弼 良弼

三郎季少客風流夢繡嶺蠱瑤環看浴酒發春海棠睡  
暖笑波生媚荔子漿寒况此際曲江人不見偃月事無  
端羯鼓數聲打開蜀道霓裳一曲舞破潼關 馬嵬西  
去路愁來無會處但淚滿關山賴有紫囊來進錦韞傳  
看嘆玉笛聲沉樓頭月下金釵信杳天上人間幾度秋  
風渭水落葉長安

近侍副使 僕散公博學能文尤工於詩昔過華清  
嘗作風流子長短句題之于壁其清新婉麗不減秦



晏四方衣冠爭誦傳之稱爲今之絕唱恐久而湮滅  
命刻于石以傳不朽正大三年重九日承務郎主簿

慕蘭記

明威將軍縣尉李春

定遠大將軍縣丞楊永達

奉國上將軍臨潼縣令僕散希魯立石

僕散希魯跋云宋元至今刻石甚多殆難勝紀而當

以此爲第一其詞幽麗悽惋字畫勁峭有如拱壁因

破而珍之關中金  
石記

按碑刻風流子詞一闕僕散汝弼所作慕蘭記稱

其博學能文尤工於詩而遺山中州集未收此詞

亦不見錄於竹垞詞綜攷萬紅友詞律云風流子

有二體一體三十四字一體雙調一百十字又名

內家嬌其一百十字者載宋張耒一闕此詞亦不

載以此詞與張耒詞較多一字下闕但淚滿關山

句按之張詞只四字不應有但字蓋是又一體爲

百十一字者詞律失採然詞律注引升庵語正謂

此詞云于驪山見石刻一詞必元人作卽詞統所

選三郎年少客一首也圖譜竟於風流子外另收

此詞別加一名曰驪山石因而分字句處與風流



金石錄卷一百五十八  
子兩樣云云据此是詞統圖譜皆收此詞獨詞綜遺之也升庵謂必元人作者蓋匆匆見石刻未及

細檢記有正大三年字耳

重摹唐太宗慈德寺詩

碑高六尺三寸六分廣三尺三寸詩共九行行二十六字後跋七行行五十一字正書在武功縣

唐太宗文武大聖大廣孝皇帝御製詩

貞觀六年幸慈德寺舊宅四韻

新豐停翠輦朝邑駐鳴笳園荒一徑斷臺古半階斜前

池消舊水昔樹發今花一朝離此地四海遂成家

貞觀十六年重幸慈德寺故宮十韻

壽丘唯舊跡鄠邑乃前基粵子承累聖懸弧亦在茲弱

齡逢運改提劔鬱匡時指麾八荒定懷柔萬國夷梯山

咸入欵駕海亦來思單于陪武帳景逐衛文邈端展朝

四岳無機任百司霜節明秋景輕冰結水涓霽黃遍原

隰儲峙積京坻共樂還譙譙歡比大風詩

大唐太宗文皇帝登極後忽夜夢太后若平日既寤

潸然不自勝越翌日詔有司發倉廩賑濟貧窮及於

慶善宮側勑寺一所用答劬勞之德故以慈德為名

貞觀六年幸是寺顧謂侍臣曰朕始生於此念母后

永訣育我之德將何以報感而大慟左右亦為之流



涕泗嚴祀於正寢及燕羣臣題詩屋壁至十六年警蹕重還故宮復題詩十韻噫孝思不忘此聖人無加之德也住持沙門法号子寧闡道之餘博覽羣書每讀大中繼明佛堂院碑嗟御製詩章久而無間迨正大丙戌偶獲二詩於縣令盧公處乃天聖中宰公种世衡石刻也奈風雨侵剝字畫損壞住持惜之復命工刊立于安養堂前庶使後之人得觀覽焉其帝之功業有本紀在故不書丁亥歲中順大夫前平陽府判上騎都尉隴西郡開國子食邑五百戶賜紫金魚袋李文本跋首陽山老僧惠鑒書草堂嗣祖了印梁山賈玘助緣 懷遠大將軍武亭縣令盧振子成德清道明德珂德秀德珍子瑞德璿德潤德澤幸緣幸俊都曰趙昇南郊王玠刊字

按武功縣志慈德寺在縣治南卽唐慶善宮故址金大定十六年修勅賜崇教禪院宋崇寧元年趙茂曾記云按唐紀太宗文皇帝以隋開皇十七年十二月戊午生于武功之別館有二龍戲門外三日而去是京兆武功之南有唐慶善宮今爲慈德寺乃其所也此碑刻唐太宗二詩一題曰貞觀六年幸慈德寺舊宅四韻一題曰貞觀十六年重幸



慈德寺故宮十韻考全唐詩載太宗詩此二詩在焉貞觀六年者題曰過舊宅二首次于後十六年者題曰幸武功慶善宮次于前並未嘗謂之慈德寺也蓋慈德寺名乃宋時所題金大定十六年又賜崇教禪院額而此二詩題云慈德者當即宋天聖中神世衡刻石時所加非舊題也此碑刻于丁亥歲為正大四年其時已改崇教禪院而李文本跋中不云崇教者何歟豈縣志語未確耶唐書太宗紀貞觀六年九月己酉幸慶善宮十六年十一月甲子幸慶善宮與碑合其六年幸舊宅詩全唐詩載二首碑所刻祇五言四韻尙有五言七韻一首碑所未刻蓋正大丙戌得於縣令盧公者佚其次首也以全唐詩校之與碑異者譙邑駐鳴笳碑作朝邑一朝辭此地四海遂為家碑辭作離為作成十六年重幸故宮詩十韻全唐詩亦有與碑異者日逐衛文櫬碑作景逐衛文貔無為任百司碑作無機禾穎積京畿碑作儲峙積京坻其樂還鄉宴碑作共樂還譙譙似全唐詩別有所本不從碑錄也新唐書禮樂志九功舞者本名功成慶善樂太宗生于武功之慶善宮貞觀六年幸之宴從臣



賞賜閭里同漢沛宛帝歡甚賦詩起居郎呂才被  
之管絃以童兒六十四人冠進德冠紫袴褶長襖  
漆髻屣履而舞號九功舞進蹈安徐以象文德舊  
唐書樂志慶善樂太宗所造也冬正享燕及國有  
大慶與七德舞偕奏于庭此二條全唐詩系于十  
韻詩之下而碑則以四韻者爲六年作十韻者爲  
十六年作詳玩史志作被管絃自當用十韻不應  
祇是四韻且自當以第一次幸故宮詩被管絃不  
應用第二次則六年作者爲十韻十六年作者爲  
四韻疑碑誤爲倒互也

濟瀆靈應記

碑高五尺四寸五分廣二尺四寸十七  
分行五十二字正書篆額在濟源縣

鄉貢進士洪水韓時舉撰并書丹

河陽采邦瑞篆額

歲在戊子

天子以去冬不雨

宵旰憂民粵春王

正月遣資政大夫中常侍兼士林署提點宮籍監使

內口口口口口藥局直長高佑銜

命降香于

濟瀆顯祐清源王天語一發不浹辰而雨至者三使

車在路雪復盈尺民熙熙然咸曰大哉王言一哉

王心二月口口使高佑口自口京師由三城戴星而行



未及巳刻已抵祠下謹默致 聖意及所 賜香酒

拜祝於 淵德殿尋奠紙於海紙立下如掣俄頃風行

口口勢忽洶涌有 神 出其間狀大數圍俗所謂二

將軍者延頸被紙嚮首東南且進且退如舞如蹈凡數

四有望闕謝 聖恩意中使高佑敬懼醜酒 神迺

前口及數卮悠然而去觀者如堵以謂 聖主之德

至誠感 神躍魚之祥桑林之應方之 皇朝邈

不及矣 天且不違况於 神乎 神且不違况於人

中興之功日月可冀畢祀皆合爪致禮鼓舞而退 聖感之

吏口口為口口未之睹也懇請立石以紀 至大五年春社

後二日謹記

從行降香官嘉議大夫內侍局承應御直張節用

從行降香官龍虎衛上將軍同知防禦使事上護軍

彭城郡開國侯食邑一千戶食實封一伯戶蒲察黑

廝

宣權從宜經略使奉國上將軍知孟州防禦使護軍

金源郡開國侯食邑一千戶食實封一伯戶僕散桓

端建

里人栾天瑞司口劉口刊



監刻碑人州吏趙源

通真大師賜紫知廟事楊

缺

同知廟道士李

缺

碑述高佑銜命降香辰得雨之事稱為濟瀆顯祐

清源王按金史禮志云明昌間封濟為清源王此有

顯祐二字是史脫文也

中州金石記

按濟瀆廟在濟源縣是時都汴自汴都西至濟瀆

廟或星而行其程甚速也碑立於正大五年春社

後二日蓋二月也文云天子以去冬不雨宵旰憂

民粵正月遣高佑降香於濟瀆顯祐清源王天語

一發不浹辰而語使車在路雪復盈尺金史哀宗

紀及五行志正大四年冬皆不書旱惟五年春書

大寒二月乙巳朔雷雨雪木之華者皆敗此即碑

所云使車在路雪復盈尺也二將軍者不知何神

物能銜紙舞蹈而碑又云躍魚之祥則是魚類矣

文稱其狀大數圍延頸被紙以臆度之殆龍之屬

也是時元兵日逼不六七年而金亡文有云中興

之功日月可冀蓋亂極思治之心猶惓惓也金國

語解僕散氏漢姓曰林蒲察氏漢姓曰李僕散桓

端官知孟州防禦使其曰宣權從宜經畧使者隨

時暫設之官非常制也諸州防禦使從四品而桓



端階從三品上之奉國上將軍蒲察黑厮官同知

防禦使正六品而階正三品上之龍虎衛上將軍

皆不能明其制也

重修濟瀆廟記

石連額約高五尺三寸廣二尺六寸廿二行字多寡不等連額並正書在濟源廟

種竹老人謨

河陽梁邦瑞書丹

大金正大戊子歲自前冬不雪迄今春未雨二麥頗旱

百姓惶惶然

皇帝之心憂民不啻遣資政大夫中

常侍兼上林署提點

宮籍監使

內侍局令尚藥直

長高佑載星馳驛受

命呈香禱于

濟瀆顯祐

清源王復日至

祠正紵整服潔體齋心夙啓

天

誠夜獲嘉應膏雨已容耕春雪又及尺俄有神物出海

領帑吞洒朝

闕如

謝使者廻

京都異事

奏上

上深敬悅

賜銀二萬五千星委自

孟州長吏防禦使僕散桓端提控同知納蘭和尚辭職

監修構大厦之良材鳩三昧之妙手重簷疊甃操碧繪

金巖崇聖像謹飾從尊篤瓦紺天鳳門輝日役未十

旬功興萬數殿廊齋廚創作一新也市民嬉游無不祝

讚匪

靈應之

神君豈可達於

朝廷非

聖明



之 天子莫能肅於 廟貌物成有日易舊更新聖  
哉 神力德哉 王言德耶聖耶猶不能盡理述焉

正大五年六月十五日 益修州吏趙源 知廟道士

楊知謙李得禎  
郭知常元知一

武節將軍行濟源縣令兼管勾河防常平倉事修廟  
接手官納蘭抄舍

昭勇大將軍遙授歸德府治中兼同知孟州防禦使  
事上輕車都尉廣平郡開國伯食邑七伯戶 省部

委差監修納蘭和尚

宣權孟州從官經略使奉國上將軍知防禦使護軍

金源郡開國侯食邑一千戶食實封一伯戶 省部

委差提控監修僕散桓端立石

石匠桑吉 劉通

按此碑與前碑同為正大五年紀濟瀆廟請雨降  
香之事前碑記于春社後二日此碑立于六月十

五日益因神著靈異奏請賜銀修廟未十旬而工  
竣遂立此碑知孟州防禦者仍是僕散桓端同知

則易為納蘭和尚矣金國語解有納刺氏漢姓曰  
康而無納蘭氏史傳有納蘭胡魯刺納蘭綽赤而

納刺氏無其人此碑撰者署其號曰種竹老人而







